



12371

見素林先生集叙

蓋詩曰高山仰止景行行止不佞


聘褻茲枕於先生素矣慚不佞僕

邀叨塵仕籍代匱留樞竊願私淑

而未遠廼先生孫及祖哀梓先生

集而屬之叙若謂不佞知先生者

不佞得卒業獲然神嚮藉手先生



見素林先生集叙

蓋詩曰高山仰止景行行止不佞

聘褻茲忱於先生素矣慚不佞牒

邀叨塵仕籍代匱留樞竊願私淑

而未逮廼先生孫及祖哀梓先生

集而屬之叙若謂不佞知先生者

不佞得卒業懽然神嚮藉手先生

見素文集序

集執鞭先生生平幸也願學士大

夫叙先生集者業纒纒具矣先生

當

憲廟朝毅然糾權璫妖僧於廷明之

罪蔽震雷電而搏魍魎是韓昌黎

佛骨之表也

國史將大書特書之然而以國

皦自鳴非先生志也而侈竹
復豔譚先生伐先生填江右則藩
濠杜請涪川蜀則藍鄆投戈是汲
長孺之寢淮南趙清獻之撫西蜀
也兩國人固百世尸祝之而先生
則非偉勲伐為殷者若術先生文
則是編具在也疏牘先忠懷而後

藻飾辭章崇神理而薄俳詭是又
陸敬輿之奏議歐陽永叔之文章
而集其成者操觚士類能誦之不
佞忱無敢謂知先生請明先生所
以兼茲三不朽者夫人一心耳是
曰靈府一以紛華寵利滓其中萬
動窒矣先生善白沙陳先生探致

虛主靜之學雅性恬澹不以物累
滑心方起家為郎建言遠獄時身
中已無死生何論利祿已而藩臬
辭者再填撫辭者十一卿列辭者
十三最後典邦禁僑居省闈無少
牽位意其難進易遷類如此是豈
紛華寵利得滓其靈府哉靜虛之

見素文集序

三五

學蓋湛乎其澄淵乎其遠矣以故
挺為勁節曾為駿猷蔚為文詞一
本之涵養學問中來者蓋昔諸葛
武侯際主也於漢家勲詎不燦燦
而托孤之節出師之表騰諸講說
至今揆厥所原則澹泊明志寧靜
致遠寔本之儻以先壯質武侯非


耶嗚呼先生之節之勲之文昭昭
垂不朽矣而睹先生之不朽亦必
有明先生之學者環寓內而遙曠
以百禩聞先生風猶然興起矧也
辱生桑梓之邦者乎不揣援是叙
先生集云

萬曆乙酉歲季秋上澣之日郡中

見素文集序

後學郭應聘頓首拜撰

四正



見素先生文集序

文章以救時爲貴中古來文若韓退之之佛骨表歐陽求叔之朋黨論胡澹菴之乞斬秦檜疏詩若杜少陵之八哀石守道之慶曆聖德之作之類排異端崇正道斥奸諛百世之下讀之猶使人毛髮森悚恨不生並時而願爲之執鞭也下此則鬪富誇巧雖極其工綴第取悅人耳目而於綱常世道無所關係焉亦奚貴於文章而必以是傳世爲哉始予計偕至京師於士友家獲觀莆田見素先生林公爲秋官負外郎

時抗

見素先生文集

序

一

黃朝

憲宗皇帝疏草三復流涕見其劾匪人糾權倖凜然鈇鉞之嚴而血誠骨鯁溢乎言表殆揭日星而聳山嶽也公雖坐是遠謫而一時國是士氣賴之議者謂與澹菴一疏相伯仲文章若是豈非所謂救時者邪未幾還公留都荐歷外臺長一旦拂衣去朝抗章夕就道未始待報也越數載

先帝以言者起方伯不赴再起爲僉都御史持風裁於大江之左右貪墨吏多望風解印綬去雖當路左璫素號桀黠者亦爲之斂跡潛避公出而救時其事功之偉又在在如是蓋不啻見諸文章而已也使公在朝

廷則必有以寢淮南之謀在邊陲則必有以寒西人之膽而在山林則又必有以一絲而重漢九鼎者矣蓋公精神心術之所寓有未易以尋常窺測者故發而爲文爲詩或贈送或酬答或寄託雖體裁異制風格殊指要之其歸與曩䟽救時之意異者幾希矣然則公之文章雖欲靳不傳於世不可得已而公方退然以爲此特醬醜上意思耳夫豈以是爲自足者哉間手編成集凡五十餘卷而以其別號見素者名焉不遠數千里緘書遺予曰子其爲我叙之得書時薄暮矣亟篝燈快讀次日即促筆予以見予仰公之至

見素先生文集

序

二

一朔

方以託名是集爲幸遽忘其誦陋且讓云

正德改元丙寅冬十一月上澣南海病夫張詡廷實撰

見素先生文集序

賜進士及第翰林院學士奉政大夫 經筵講官
同脩國史東川劉春撰

文章之論著豈易易哉世固有勤一世於佔畢間矣
然心無所操氣不得其養則其論著雖工乃有謂之
不識節義者其於世教亦何所益損哉然心之操氣
之養亦非聲音笑貌可爲也學之正積之久而後能
真知獨見中有所主於是而行了無留礙譬如火然
泉達不可禁禦其視世之窮通得喪舉無足以動於
中者故其言之成文也理到而辭自達脩於身而體

見素先生文集

序

三

一調

無不立發於政而用無不行若此者豈易易哉副都
御史莆田林公待用所著見素集者余得而觀之則
皆自蒞官凡進諫陳謀以及應求於人所著其詩歌
記序諸作體裁雖不一而奇崛奧博要非無所師資
者而其心之操氣之養則余自信以爲徵於公而益
不失也蓋公學有本原自上世即以儒術著稱而其
忠義清約之操相傳世守焉其教於家以端其趨嚮
者固非耳目所剽竊也比發軔刑部當

憲宗在位海宇乂安而一二倖瑞得怙寵挾妖僧以肆其
蠱惑之術縉紳之士非但無敢言而且有階之以進

取者公抗疏極論人甚危之賴

憲宗監其無他僅左遷遠郡未幾叙復

孝宗嗣統用大臣薦荐擢憲使已而乞休復起擢今職巡
視江西又乞休見權倖用事累薦皆辭尋蜀寇麻沸
今上詔起視事復上疏比諫懇誠剴切尤人所難言蓋雖
其忠義出於所性然非學得其正其心之操氣之養
安能視窮通得喪爲一也故其言有所本而能成家
而讀之者自足以廉頑立懦非苟爲著述而已也然
則文章之論著豈易易哉公宦轍所至皆有聲績可
紀述至平蜀寇尤卓越益可見其有用之學矣以非
見素先生文集

序

四

一
朝
〇

是集所繫故畧之公諱俊待用其字別號見素後進
慕之咸稱爲見素先生遂因以名集云

見素先生文集序

賜同進士出身嘉議大夫順天府府尹前刑科給事中翰林院庶吉士豐城楊廉撰

天下之動惟天下之靜者能制之然事或既往何由考見亦惟即其言語文字之間而可以得之矣此予於見素先生西蜀奏議而知其爲天下之靜而能有以制天下之動也當蜀寇之起

廷議非先生無以靖之方家居

朝命及門即日就道捫參歷井彌望賊區先生經畧其間凡其形之章疏從容暇豫委曲詳盡有本有末有目

見素先生文集

序

五

危四

有綱味其詞氣真若處於恬然無事之秋絕無倉卒急遽之態有餘不盡之意往往於言外見之靜定如此宜其處事精明而有以制天下之動哉先生之靜

其本安在平生不戀官爵不趨權勢不擇利害不畏強禦抗犯顏敢諫之節高難進易退之風舉世俗之

營營無毫髮入其胸次此其臨事所以靜歟先生用

兵以殺降爲大戒以撫綏爲上策大約如醫和治病

不專於驅逐風寒而全在於調護元氣以故效緩而

大率由於此抑唐大臣當元戎之任類辟高才名流

以爲僚屬凡文辭之事悉以委之故雖以裴度之能

亦用韓愈爲之叅軍是已

本朝文臣自巡撫贊理以至提督總制幕府公移皆出親
稱文之工拙亦惟其人先生以淹貫之學奇偉之資
本之以仁義發之以忠孝其章疏故自不易得也此
編乃先生門客范知縣府先屬予序旣而於其震噐
武選達盡得而讀之輒爲僭論如此先生在蜀人畏
之如神明或比之宋張詠今海內之士皆視其出處
以卜世道而高臥不起其如蒼生何哉

見素先生文集

序

六

卷四

堯禹咨俞成典謨出史官贊記之文中庸七篇爲子思孟氏所親作非其當時方言謂語粗發而成章遽若是乎其懿也是故言者文之形也文者言之精也自夫問辨淺則見古之深習識陋則見古之粹曰彼其時然而言然耳高視尚古心視下處以爵之噪終莫爲鳳之吟逐流駛駛姑辭酬物於是乎望其復爲古也難矣大都憲見素林先生蓋嘗卑此曰載籍所書先覺之尊德行事皆夫人職業獨文乎哉是故襲

見素先生文集

序

七

二物順之

截陳言力欲攜今而還之古志于不朽旣乃平蜀來歸嘗授予檢使觀焉覆而益績探而益深久然後有得論曰先生序事如杜預之溫詳志記如司馬遷之沈實銘書如彝鼎文之峭峭短簡小墨如良工之玉屑得之皆可以飾簠簋而增華重然則古之文今之文與范宣子侈其先世爲不朽魯穆叔曰此世祿非不朽其在言之立乎雖久不廢先生顯祖開始于九牧之賢歷帝皇者五易姓而文臣學士滿天下范氏莫加焉先生無以爲也氣節動能海內聞之數十年蓋立德立功胥之矣言餘事也而猶如彼乎用情哉

是之謂三有立焉是之謂不朽

見素先生文集

序

八

之



見素先生文集

編年紀畧

雲庄公諱俊字待用號見素晚號雲庄父諱朝字元旭以字行號菊庄晚號聯桂逸老林之先自殷少師賜姓迨唐邵州刺史謚忠烈蘊公爲始祖傳至宋宗正寺簿公應成與子知縣棟同登咸淳進士棟生瑞安知州登延祐進士諱岡孫岡孫子師說仙遊縣尉公五世祖也高祖諱圭號三復明經寧國教諭爲名師儒六典文衡

三脩

國史曾祖諱豫隱德弗仕祖諱宗登

甲子賢書授蘄

陽學正陞揚州教授亦名師儒以母老疏乞致養是生

編年紀畧

七

菊庄公孝友端慎配黃氏夢三神人凌空飛繞中一人手一卷授之而姪公以景泰壬申年二月十一日乙亥

午時生于聯桂里喜雀集鳴祥光騰耀公生秀朗玉潤

穎敏異常甫離襁褓卽知孝敬年五歲隨母歸寧食外

祖母有乳餅圓如月容試曰恰似春皓月對曰何不掛

青天識者竒之讀書里塾九歲作聯字對十三歲卽善

屬文詞成化二年丙戌公年十五郡守岳蒙泉異之謂

大父教授公曰是孫不作先生官矣四年戊子公年十七

祖敬齋病亟大母欲爲之娶辭明年大母又病亟彌之

娶公以祖喪未大祥固辭不肯六年戊寅補郡產生七

年辛卯公年二十娶方夫人知府鯉曾孫十三年丁酉
公年二十六福建鄉試中式二十三名明年戊戌會試
中式三十一名

殿試第二甲二十七名 賜進士出身觀刑部政己亥二
月選刑部陝西清吏司主事治獄平恕十月伯子達生
十八年壬寅正月秩滿三載

敕進階承德郎封父菊莊公如其官母黃配方俱安人與
白沙陳獻章講明理學獻章取至京師久未有所處公
薦之尹冢宰旻旻爲具題尋有檢討之命二十年甲辰
公年三十二六月陞本部四川司署員外郎事主事太

編年紀畧

二

監梁方引妖僧繼曉以秘術得幸爲蓋大鎮國永昌寺
九月二十日上扶植國本疏請斬繼曉并方言今內而
大臣次而百官以及閭巷小夫亦皆欲食梁方繼曉之
肉卒之不敢以此言進於

陛下所惜者官所畏者死臣誠不畏死惟

陛下留神聽覽熟計而必行之疏入

憲廟大怒詔下錦衣獄冀日宣加刑後府經歷張黻疏救
並下獄十月初二日有

旨不必擬罪打三十送吏部調邊方州判官去初三日降

除姚安軍民府姚州判官人擬之鳴鳳朝陽繪圖列替

鬻於都門三原王端毅公恕疏救二十一年乙巳元日
星變

上悟命復舊職南京管事添注南京刑部貴州司十一月
至南京計日分程率以數刻理刑名數刻溫習舊業總
博群書深極造詣下至稗官小說靡不總貫條析二十
三年丁未

憲宗崩

孝宗嗣位學士楊守陳太學士劉吉進士李文祥等疏薦
明年戊申改元弘治正月注雲南提刑按察司副使十
一月至雲南聞御史姜綰等與守備內監蔣琮訐奏上

編年紀畧

三

六七〇

全大體以召大和疏已酉又上親下師古舉賢明義備
文存體養恥興讓立信議禮正法實錄宥過十四事爲
不相知者停罷分巡金滄道玄化有活佛歲時遠近男
女會集爭以金泥其面盜因以起命焚之範其金弁大
珠解京毀各屬淫祠三百六十餘區城趙州作下關橋
後一十許年民立生祠尚書劉信以按察使薦都御史
童軒以都御史薦監雲南鄉試孟密曩罕弄凌其主木
邦侵地不已千厓刁帕愈奪其姪印公撫孟密且行曰
撫千厓以先聲動之愈果送印出罕曩弄納欵諸夷咸
服立隴川州學三年庚戌推湖廣按察使督府經歷周

廣榮薦不宜久淹外任四年辛亥公年四十陞本司按察使明年朝覲京師道改湖廣按察使以前察使不任繁劇更賢用公未幾推掄林都御史七年甲寅湖廣河南大雨雪公上封事言由政刑失中外戚驕恣小人禍君子營造王府制度過侈之致十二月次子適生八年乙卯秋監湖廣鄉試十二月朝覲京師九年丙辰公年四十五推江西右布政使陝西左布政使七月疏致按察使事不待報而行撫按疏請得

旨准暫回原籍養病不爲例過蘄州謁祖敬齋公祠九月抵家野服見容菴伯父靜守公營菊莊公壽藏十年丁

編年紀畧

四

巳公年四十六正月寓屋墩七月寓城東草堂巡按御史朱文主事潘府教諭周成南北科道叢蘭等交薦十一年戊午公年四十七尋祖宗簿知縣縣尉公墓於常泰里脩之給事中叢蘭等以星變會薦有

旨病痊起用陞廣東右布政使辭十二年巳未甫大旱公率衆爲禱爲畫荒政鄉人賴焉十三年庚申年四十九起南京都察院右僉都御史奉

敕提督巡江兼管操江時火篩犯邊公乃強起十一月至南京號令嚴肅營務一新而正身率物與張簡肅公數

華林文安公瀚楊邃菴公一清彜名清約稱四君子

四年辛酉公年五十兩乞致仕不許推戶部侍郎又推
南京刑部侍郎陝西地震水涌歷考古災變之應與時
政之失以上末及華封之祝后妃之德時儲嗣未廣內
戚專擅故疏及云評事張芝薦公與謝鐸楊一清宜居
輔導壬戌推禮戶二部侍郎聞 東宮少出閣讀書上
錄正人以端國本疏薦侍郎謝鐸少卿諸壻楊廉副使
曹時中可居宮僚處士劉閔可布衣入侍七月大風拔
木揚沙上災變疏上薦賢自代懇乞致仕申乞致仕凡
三疏不允十月江西盜起會推風力大臣巡視

降勅云朕以尔素有風力才望不畏疆禦特命巡視事聽

編年紀畧

五

五〇

便宜處置十二月到江西十六年癸亥公年五十一會
處地方興革事宜行社長社正法示阜俗三義曰義倉
義學義塚巡瑞州賊首王武率其徒聽撫令扶輿行萬
山中衆遂向化罷知府王塘李復貞吳叙副使李溢以
病告擬調巡撫都御史韓邦問朝命遂以公代辭避不
允寧藩祿米納直病民疏平其直寧庶人潛蓄異志請
府第易琉璃䟽酌大義以全賢孝謂毋涉吳王几杖之
賜叔段京鄙之求後竟叛人服先見改立德安縣學脩
劉西澗黃山谷墓周濂溪狄梁公陶靖節陸象山九峰
虞文靖吳文正曾南豐祠作九江濂溪書院奏改寧縣

爲州錄罪囚廣巡歷別賢否定均徭物料定收糧則何
毀淫祠萬三千餘區疏請尚書何喬新法應謚文并易
尚書彭韶舊謚疏備糴本以復常平五月季子週生七
月奔母黃夫人喪乞免闕孝字勘合十二月葬黃夫人
居喪情文兼至男女爲位之祭莆久不行公墜舉之十
七年甲子公年五十三脩九牧墓割田以祭立書倉新
居方方伯守劉孝子閱家貧言之官人給田二十畝御
史宗彝曾大有張津薦起用十八年乙丑公年五十四
寓雲莊推都察院右僉都御史

上用王璟御史饒塘劾璟薦公

編年紀畧

六

五

孝宗皇帝升遐

武宗嗣位御史聶賢給事中王承裕檢討劉瑞等以名望
薦有

旨取來京用會推兩直隸巡撫南北兵刑侍郎正德元年
丙寅公年五十五江西士民羣訴之朝乞公巡撫八月
擢右副都御史巡撫江西公辭職名巡撫二年丁卯父
菊莊公卒次年葬菊莊公五年庚午公年五十九四川
盜起驛

乃公爲右副都御史 特敕專征三月至夔州選擇文武
賢能調發流土精兵嚴號令給榜曉諭使自聽無黜公

孫述祠移武侯廟四月視師達縣遣吏何定入營招撫
巡通江入巴縣五月五日至華山笱與賊遇單車直抵
其巢示以禍福賊頓首伏地公曰撫汝示以日羅拜而
去六月公駐得漢城連旬陰雨賊違期疑沮廖惠一支
擬據保寧公出師搗之戰于門鎮子斬獲三千三百騾
馬鎧仗山積

降敕獎勵七月藍馱奔突漢中衆號四十萬公發兵促之
播州宣撫楊友謀復官職衙門公駭以亂階不可輕啓
公家居聞劉瑾亂政草急除大逆以已大亂䟽未上而
有四川之行以根本之賊甚於藍馱又增續所聞擬藍

編年紀畧

七

七〇

馱捷上隨上此䟽會瑾敗復上慶幸討賊永綏福祚䟽
繳進前䟽請

上還內宮擇宗室之賢養之別宮收用舊臣脩復舊政指
斥新用事者䟽入用事者擬詔獄李文正公東陽曰無
某則無蜀乃止九月追藍馱于鷄公灘綉鷄嶺大捷斬
獲三千三百收回被擄六百騾馬八千萬戶府印水晶
印大鏡大刀各一衣械無算捷上乞致仕不允十月江
津告急公趨江津十二月所遣領兵副使曹祥李恕吏
何定追藍馱于渠縣斬獲千二百人二十八日公至江
津以酉陽天全播州諸師並進六年辛未正月元日破

党公兒等四營十二日三更蓐食銜枚扼其營圍而燒之斬獲一千六百燒死九百收回被擄七百捷上降敕獎勵十七日何定追藍馱于石登文殊斬首七百三月綽領寺刺麻雪郎王出友平之四月上

皇太后徽號詔進公階贈祖教授公父菊莊公如公官祖母母俱淑人配封淑人六月公遣藍廷瑞母并子與母之弟招之十六日廷瑞率其首四十八人自投金寶寺令安宇何定批解聽撫總制都御史洪鐘誘而執之公曰信自我失何以示後爭之不能得捷上晉右都御史賞銀三十兩紵絲二表裡公以殺降非本意疏辭八月

編年紀畧

八

六七〇

江津方四復盛又趨江津九月十四日戰于鷓鷹石二十一日戰大堽高峒斬獲一萬二百而餘捷上遂乞致仕忌者謂賊勢已衰

唯致仕朝論大駭科道奏留不報正月十五日報至即日徑歸蜀人號哭追送皆失聲未幾兩川大闕人益思公三月抵家在蜀軍祭祈禱并諸應酬文字重慶人刻之曰西征集奏議文移十五卷楊公廉叙藏于家四月以江津再捷奉

敕獎勵賜白金一十兩紵絲二表裡公以建邵州忠烈祠

十二月推南北都察院掌印都御史兵部尚書八年癸

酉子達鄉試中式明年第進士授兵部武選司主事科道薦起用推兵部尚書脩九牧父澄渚墓前後塋親族不能塋者三十餘喪婚娶倍之又別貯穀四十餘石以歲承姻族之匱乙亥子達乞便養南京十一月孫及南生十一年丙子公年六十五脩祖邕公墓經紀陳孝廉茂烈喪同安蘇世浩聚衆爲亂與當道議撫平之十二年丁丑七月水圯開先祠公脩之見素詩選集成十三年戊寅御史王應鵬程昌脩考亭書院致幣求記公以屬大尹邵勳買田以供書院祭祀御史楊必進胡文靜俞珊薦起用十一月子達初考進公階資政大夫配方

編年紀畧

九

楊順之

封夫人十四年己卯推南禮部尚書六月寧庶人叛三書速王陽明公守仁討賊製佛朗機鏡遣二僕問道以與陽明公有書佛朗機遺事 議借南日水軍勤王御史葉忠給事中孫懋都御史劉玉薦總江南之師十六年辛巳孫及人生四月

今上皇帝御極敕召爲工部尚書云朝廷更化之初方將圖任舊臣輔成新政特茲起用可即日馳驛來京以副簡用至意兩疏辭免奉

旨云卿老成舊德譽望素隆新政之初特茲召用宜照前旨亟來供職以副眷注至意吏部還差官催促啓行又

云卿名德舊臣專使召用義當亟起宜即就近以副眷懷慎勿固辭九月推吏部尚書嘉靖元年壬午公年七十一正月四日公始赴

召舟次鎮江聞大禮未定上輯成論以備議禮疏四十餘言次沛縣上致仕第三疏四月改刑部尚書辭不允次天津上親大臣疏五月六日至京朝

見上賜酒饌注視入班中外交慶初九日視部事翼日命侍經筵上經筵聽講疏崇節儉疏闢左道以正人心疏舉大禮以成大孝疏錄名德以重士風疏時經筵會暑傳罷及大婚費鉅齋醮漸盛安陸主祀未舉祭酒魯鐸許養病公皆隨事納忠

編年紀畧

十

一〇

上亦時有覽奏具見卿忠愛至意褒旨七月進公階贈祖父尚書祖母母封配夫人八月二十二日疏乞致仕

上曰卿才行老成譽望素著職司邦禁竭盡公勤新政之初方切委任豈可引年求去宜照舊用心供職以副朕意二十六日再乞

上又曰朕念卿先朝舊德新政之初特先召用近引年求去已有旨慰留如何又有此奏宜亟出供職以副眷遇至意與石齋楊公廷和白岳喬公宇九峰孫公交幸菴彭公澤皆以先朝耆碩同心一德基理太平紀綱風俗

爲之改觀二年癸未公年七十二正月上致仕第三疏
二月又連上第四第五疏

上懇留曰卿操履正直譽望素隆經國遠猷咨詢方切曰
卿清忠大節著在先朝每有論奏朕多嘉納偶有微疾
善加調理亟出供職贊成新政曰卿老成名德朝著表
儀應召來京善類相慶未及一年累疏稱疾求去似非
大臣體國之義宜亟出供職以副眷留三月策試天下
貢士

命充讀卷官四月太監崔文寵擅一時其私人李陽鳳等
犯法御史按其事併劾文下刑部文取 內降改付

編年紀畧

十一

劉三

詔獄公執奏不遣有

旨仍付詔獄公又執奏言奉詔則廢法守法則違詔臣寧
違詔不敢廢法

上怒責以違

旨回話公舉

祖宗故事以對

上亦尋悟不深究公再起收正甚多此舉士論尤快五月
疏辭印信俸給不允六月初八日上致仕第六疏

溫旨眷留次日又遣鴻臚寺少卿胡侍諭留二十一日上

致仕第七疏

上曰卿累朝耆舊新政之初特先召起典司邦禁隨事納忠多所匡救朝廷方切委任乃引疾引年屢求休致似非大臣體國之義宜亟起供職以副眷懷慎勿再辭又曰耆舊在朝新政有光屬躋乞休已節有旨慰留又遣禮官宣諭宜亟出供職以副眷遇至意七月十七日上致仕第八疏情益迫切

上重違公志從之加太子太保寫敕馳驛還鄉月給食米三石歲撥人夫四名有司歲時以禮存問八月初十日

萬壽聖節近公曰吾老臣也不可不以禮爲進退乃留入

編年紀畧

十一

○ 賀次日

陛辭

賜酒饌寶錕大夫士祖餞都門至傾朝

省立

朝僅十四閱月自以暮年遭際知遇誓竭忠勤

以裨新政事無鉅細無不極言如雪李夢陽王元凱之

寃按張龍劉暉廖鏗與宸濠逆黨之獄止內監奏補人

匠陵戶投託免役番貨內批給主內臣犯法宜付法司

皇親倚勢受獻凡事干權貴近遜戚畹屹不可犯左右

敬暉焉十一月朔日抵家十二月二十八日有司行存

問禮三年甲申公年七十三正月望日祭告壺山三月

有司行存問禮是後以四孟月上旬行禮爲常四月公

得末疾九月聞大禮持論紛然草薶

陛下情衷過厚大禮未協過於孝故也夫有不可易之禮亦不能已之情子之於父母服三年無貴賤一也若爲人後則服移所後之父母所生降期焉不二斬也至於所得封贈盡隆所後而不及所生豈忽然忘情哉制於禮也其致所生之情無過候問供億之勤與伯叔父母異爾故司馬光謂秦漢而下自旁支入承大統或推尊所生父母爲帝爲后皆取譏當時貽笑後世俊子達爲南京郎中復同主事范時儆疏入由是南官附和者遂蠶起矣初三日

詔革生前職銜十二月十一日葬公衣冠雲莊十七日甲

編年紀畧

古

黃四〇

申以士禮葬尊賢里大觀山少師石淙楊公題曰見素先生公嚴重莊整矩度尺寸不踰平居手不釋卷足不入公府鄉後學及四方執業而至者無不忘分推誠見若飢渴其所成就多成大名在仕途屢起屢乞雅志林壑不繫心得喪其歸也人徯其起其起也人又恐其亟歸仕止進退以身爲中外表望者垂五十年官一生不取堂隸官紙不取封私書服䟽茹淡蕭然若寒士作文過先秦追韓歐本之六經理趣精純非聖之書絕口不談蓋其踐履之學得自家宗簿知縣諸祖以上溯爪山復齋遠有端緒故道倡鄰邦而風聞天下詩字唐杜晚

或出入黃山谷陳無已間碑板流播遍四方子即達適
週孫及南及人及祖及士及觀少司馬山齋鄭公岳曰
公孝仁端亮以清約勵躬以至誠動物以文章命世以
直言敢諫結

主知寢逆藩之謀平西蜀之難望重 四朝名聞中外謙
撝自下歛焉若無世以爲闢邪如韓昌黎先憂如范文
正忠純如司馬君實廓清如張忠定而好賢樂善之誠
難進易退之節雖歐陽文忠錢宣靖不是過石滌公銘
公之墓亦曰文如昌黎忠如方平任如希文敬輿蓋實
錄云恒痛念先公之薨適當削奪諸弗克備又明年達

編年紀畧

五

三

亦以人病弗叙懼即死先公平生血誠膚鯁以遂過佚
不傳乃按譜傳少加叙次以紀歲月俾有考焉而筆力
苦短荒迷踈漏不自知其情之益悲也孤達泣血謹著

明故榮祿大夫 太子太保刑部尚書見素林公墓誌

銘

特進光祿大夫在程學師兼太子太師吏部尚書華蓋殿學士知制誥兼經筵官國史總裁魯揚清樸

光祿大夫柱國少保兼太子太保吏部尚書太原喬守書

榮祿大夫太子太保戶部尚書漢南孫交象

今皇帝嗣位之初

敕召致仕都察院右都御史見素林公爲工部尚書於其

家公具疏辭

溫詔褒答不允又與推吏部尚書不果嘉靖壬午春正月

公強起就道既而改刑部尚書途間又上疏辭再荷

墓誌銘

溫旨不允且趣其來以五月四日入京

陛見

上注視久之朝紳皆動色相慶曰見素先生來矣立朝僅

十四閱月屢疏乞歸輒荷

慰留且遣鴻臚諭意

特免朝參在部治事公甫出又辭疏凡八上情益迫

上重違其志從之加

太子太保

賜輿書俾乘傳以歸有司月給公廩三石歲給人夫四名

供役使

命有司歲時存問公以
聖恩過重又上疏辭不

允癸未七月二十六日甲午也時

萬壽聖節且近公曰吾老臣也不可不以禮爲進退丁未
同諸臣入

賀庚戌

陛辭

賜酒饌寶纒以行大夫士留之不得設祖餞之都門外至
傾朝省相顧慨歎曰見素先生歸矣家居踰年得末疾
具疏預辭身後

墓誌銘

二

辰平

卹典且及時政薦名臣數人以助輔德士大夫每遇莆人
輒問公眠食起居卜其安否爲世重輕越三年丁亥疾
且革草遺奏勸

上勤學親賢任人圖政保養

聖躬蕃衍

皇儲及再辭

卹典遣其仲子遼上之比屬續呼伯子達授遺言曰吾葬
雲莊所費不過四五十金毋煩官府垂絕猶強作聲曰
聖躬曰

皇儲不及他事遂卒是年四月六日也計聞於

朝縉紳交相悼惜曰見素先生亡矣達以書授造告哀於予曰先子海內之交今惟我公一人身後之託匪公曷賴予因憶弘治壬戌與公同官留都嘗謂予曰我二人後死者當爲銘誌言無食予謹識之嗚呼孰知果踐斯言於二十六年之後哉公俊名待用字見素其號世爲莆人出唐九牧邵州刺史蘊後代有聞人至宋宗正寺簿諱應成與子知縣棟同登咸淳進士逮事晦翁得其門人潘瓜山陳復齋之傳棟子岡孫元進士瑞安州知州知州子師說仙遊縣尉公五世祖也家學世承入國朝有爲寧國教諭者諱圭稱耆儒公高祖也曾祖諱

墓誌銘

三

之

豫祖諱宗號敬齋爲揚州教授亦名師儒父諱元旭號翰莊母黃氏以公貴祖若父俱累贈工部尚書祖母母俱累贈夫人公生秀朗比就外傳穎敏異常見年十六即善屬詞岳蒙泉先生時爲莆守甚加賞識年十七祖病劇祖母欲爲之娶辭弗肯明年祖母復病強之娶以祖未大祥固辭不肯君子已知其志向之不凡矣補郡庠生游心理學業專尚書而他經亦多誦習學古文辭科舉業着不屑爲意成化丁酉舉於鄉戊戌連第進士西涯李文正公見其所著作語人曰是他日當以文名世者授刑部主事遷署員外郎明習刑書執法不苛而

卒歸於平恕陳白沙先生以薦至京公日與講學大有所得時妖僧繼曉挾近倖梁方以秘術進得被

殊眷發

內帑銀數十萬兩營建大鎮國永昌寺公上疏極論之請斬繼曉而黜方言甚激烈

憲廟怒不可測公自分必死料理家事待罪於

闕下尋下

詔獄加刑對益厲後府經歷張黻上疏論救併下獄謫遠方公得姚州判官黻施宗州知州時言路久塞臺諫噤不敢作一語由是公二人直聲振海內人比之鳳鳴朝

墓誌銘

四

黃六

陽云三原王端毅公在留都疏乞還之以勵忠會元日

星變

憲廟感悟叙復南部丁未

孝宗踐祚廷臣交薦之擢雲南按察副使俗崇釋信鬼鶴慶玄化寺稱有活佛歲時士女會集動數萬爭以金泥其面公按鶴慶命焚之父老言犯之能致雹損稼公與約積薪伺之果雹即止已而無驗遂焚之得金數百鎰

悉輸之官代民償逋負毀邊方諸淫祠三百六十餘區所在學宮敞撤其材新之城趙州以所得盜礦銀四千餘兩為工作費城完民不擾暴客遂戢民為立生祠

事之上官奪印相讐殺公開誠諭之多感懼送印出不煩兵遠近諸夷憚其威信莫敢不服弘治辛夷用薦擢按察使調湖廣風儀整肅屬吏斂不敢犯禁止私餽有忌之者久弗調吏部擬爲延綏巡撫江西陝西左右布政皆不報公素以錢若水韓見素自期至是引疾乞休不待報徑歸得

旨准暫養病異數也時年四十五已而言官文章論薦起爲廣東右布政使辭不赴庚申起拜南京都察院右僉都御史提督巡江兼理操江至南京再疏乞歸不許時江防頗弛公悉心經畫多所釐正身率物與張簡肅公并名清約都人化之有唐楊綰之風焉陝西地震水湧公疏援古今徵應指斥時忌又疏乞錄正人以端國

墓誌銘

五

本時

武廟在東宮謂宜預教因薦謝方石儲靜夫楊方震諸賢堪任輔導廷議屢推戶禮二部侍郎皆不果壬戌江西盜起言者以守臣不職

敕遣公往巡視公至榜示盜許自新抵新昌親入賊巢渠

一 首王武率衆出迎擒四十餘賊自効凡有名賊首出片紙指示巨姓悉擒之餘孽解散改巡撫更定要約處稅糧均徭役庶務一新又建義倉義學義塚以阜俗減寧

藩祿糧價值以裕民論府殿易琉璃瓦之非至引莊公叔段吳王几杖為言時寧濠雖橫未有逆萌公每裁抑之或疑其過卒乃服遍歷所至問民疾苦脩治周元公狄梁公二陸及曾南豐諸祠墓丁母黃夫人憂歸守制武宗嗣位兩京言官交章論薦得

旨起用吏部屢奏為右都御史南北直隸巡撫南北兵刑二部侍郎皆報罷江西士夫群疏於

朝乞還公乃擢右副都御史巡撫公疏力辭俄丁鞠莊公憂瑾竊柄蓄逆縉紳多被竒禍公憂之忽有

召命尋改巡撫湖廣又改四川時藍鄙之寇方劇公陳師

墓誌銘

六

鞠旅領軍令數事將攻賊而撫之忽報賊將攻保巴縣即取道救之猝遇賊於華壠單輿直抵其巢宣

朝廷德意示以禍福賊頓首伏地公曰吾撫汝賊羅拜而謝約日請降既而淫雨溪溢賊失期疑阻遂分黨將謀據州縣要害川兵脆不能支公取將領某某等命斬以徇既而貸之諸軍股栗皆願立功自贖於是何定者先發諸軍併力擒斬盡之自是連戰皆捷賊衆披靡人畜死者枕籍溪溝渠魁多授首捷

聞降

救獎勵時兩川所在皆賊衆四十餘萬公督兵追勦先戰

皆捷擒斬動數千級俘獲無算已而江津賊曹甫復起
公聞報馳赴辛未元日乘賊醉無備乃夜半蓐食啣枚
而往圍而燒之遂斬曹賊前後所得賊級又千數百人
藍馱餘寇復熾公督兵追勦賊勢窮促悉心聽撫與其
黨偕來總制尚書洪公誘其渠魁四十八人執之捷

聞降

敕獎勵晉公右都御史賜白金文幣公辭陸賞不

允江津餘寇方四等收合數萬人來攻江津公追逐大敗
之擒斬萬餘捷

聞復被銀幣之賜初播州土官楊友與其兄愛爭襲已奏

墓誌銘

七

張罕

革其宣撫職既乃以萬金賂瑾求復公言亂階不可啓
宣撫不宜復大忤瑾意會瑾誅乃得無事公又奏瑾雖
誅權猶在近倖安知後無復瑾者乃請

朝廷擇取 宗室育之宮中召用

先朝舊臣劉健謝遷林瀚王鏊韓文以脩復舊政指斥
新用事者屬公請致仕忌者謂盜已衰易與耳即可其
請

命下朝論大駭科道乞留不果公歸蜀人號哭追送之未

幾而兩川之寇復作矣癸酉甲戌予在吏部奏起公連
薦南北掌院事及兵部尚書皆不果已卯寧庶人反科

道又交薦公未用辛巳公年七十

上在藩邸久知其名故首被

召用未入覲上䟽乞親近儒臣與相可否以臻至治且言自古人君未有不親君子而能成治者又言

新詔之革所謂壞極而不得不革者也然貴近之臣或稱不便圖有變更不知一革變則諸革盡變未宜壞天下公議時近倖寔有用事者故䟽及之既蒞任

命侍經筵會暑罷講公䟽言學貴緝熙禹惜分陰且平旦未與物接其氣清明善念易開正言易入不宜輒罷是時寺觀齋醮漸廣䟽關異端省不經之費畿輔役多民困富室盡投陵戶免役公奏處陵戶以定事體近倖家人私貿番貨勘未報忽

內批貨給主公請究請託及營救者得

旨仍沒官內監奏補匠役公謂格釁階亂不可從皆人所難言者內侍某寵擅一時其私人某犯法御史併劾其事下刑部黃緣內降取付

詔獄公執奏不遣有

旨仍付 詔獄公言奉

詔則廢法守法則違詔臣寧違詔不敢廢法

上尋悟不深究公立

朝棟正甚多而此舉士論尤快之在仕途屢起累罷雅志林壑不繫心得喪官皆不及滿考問居不怠憂

國聞

朝廷進一善人行一善事則喜否則蹙然不樂過歲早率先請禱發廩蠲賦消弭寇患皆指授所司爲之或不便於民輒以直告鄉人有直曲不能平者得其一言無不媿感去性儉約在官一介不苟取茹淡服䟽蕭然若寒士深厭末俗侈靡欲以身爲鄉邦表率至義所當舉又畧無靳惜鄉隣貧不能存者歲給以粟喪助之棺衾婚嫁助之財率以爲常而期功之親尤篤篤御家嚴整事

墓誌銘

九

一

父母曲盡孝誠治喪與祭一循家禮鞠莊所遺推與諸弟一弟無子家獨裕公不與子以姪後之人以爲難葺上世墳墓而九牧之墓貲費尤多擇地重建邵州忠烈祠割田以供族祀爲鄉先賢脩祠立後而尤好接引海內名流後進之士極力獎與多成大名平居手不釋卷身無墮容書非正不讀作文遡先秦追韓歐遺範而本之六經詩宗唐杜晚乃出入黃山谷陳無已間初視之若有隱蒞語久而咀嚙悠然有餘味焉碑板流播遍四方求者踵于門有見素詩集文集各若干卷梓行於世配方氏累封夫人子三長即達起進士累官南京吏

部郎中志行克肖人比諸范純仁云次適次週郡庠生
皆文而向正不忝父風女一男孫及南及人及祖及士
及觀女十人公之生景泰壬申二月十一日得壽七十
有六墓在尊賢里大觀山子山午向其塋以明年戊子
十二月十又七日甲申事狀出致仕兵部侍郎山齋鄭
君岳詳且核撫而書之如此所未及者著之銘銘曰
何物浮屠蠹我民彞禍水浸淫孰障而支廬居火書公
唐退之川人恃險習亂成性招莫我馴兵之不靖活我
迪我公宋忠定剴切百奏丹青炳如一夫不獲罪實在
予宋范希文唐陸敬輿不苟爲同不矯爲異無人無我
惟求其是忠信所孚斯人諒只反澆而淳植儒以起後
死有託謂我知已大書特書
國有信史

墓誌銘

十

一調

見素集文集目錄

卷之一

序

瑞竹詩序

送郭子聲入賀詩序

贈郁長史序

贈張希白序

送陳監丞詩序

送馮時用衡永兵備序

送憲副戚時望貴州兵備序

見素文集

目錄

送別序

末感序

兩漢書疏序

卷之二

序


廖僉事挽詩序

北山倡和詩序

送王中丞董理鹺政序

送任宗海序

送丁王夫序



壽宮保劉先生詩序

送李君德舉知長沙序

送范應禎按察福建序

壽東園鄭公七十序

贈查苾齋副東臺憲序

卷之三

序

西團張氏家譜序

送羅漳南考績序

邵武府續志序

見素文集

目錄

秋堂事紀

南山別言序

送林世明序

送夏必順廣西文衡序

木蘭陂集序

城仙遊詩序

郡齋別言

卷之四

序

贈徐羅源奏績序

湖南道學淵源題辭

雪堂叙隱

邇言序

贈方松崖序

續近思錄序

東白集序

贈羅福之序

筍峰紀年綱目序

贈黃君叅政廣東序

卷之五

見素文集

序

目錄

三

彭惠安公文集序

壽戴孺人七十序

方忠惠公文集序

二忠錄序

竹江劉氏族譜序

入賀詩序

送周虛谷尹慈利序

白齋詩集序

庭荆意晚序

卷之六

序

宋丞相李忠定公文集序

贈鍾理夫序

贈周來軒湖藩右轄序

芝峰別言序

蔡文繼字序

小錄前序

贈蘆訪姚東泉序

嚴滄浪詩集序

見素文集

目錄

雲庄叙言

贈劉執齋入爲大理序

蒲坂鄭氏族譜序

南湖鄭氏族譜序

贈傅節推考績序

古厓詩選序

容春堂集後序

南征奏凱序

內江鄉先生徵信錄序

我齋歸山陰序

築堤林氏族譜序

元老木齋謝先生壽篇

四同年會詩序

正學類編書序

蔡虛齋文集序

艾軒文選序

贈黃后峰序

卷之七

序

贈姚督學報政序

見素文集

目錄

烏石壽篇

雲庄叙懷

王南郭詩集序

畏齋存稿序

孝廉優獎序

送湯新之總憲江西序

贈張白齋報政序

遥壽元老韓洪洞公序

贈王石泉山東右轄序

贈龔蒲川湖藩左轄序

程氏姓源序

贈丁繼卿得代序

榕城別言

贈王石泉大叅湖藩序

榮壽圖詩序

黃鶴樓贈別詩序

少宰何公燕泉贈篇

大禮奏議序

金田王氏族譜序

辭謝錄序

見素集文序

目錄

六

竟陵孫氏族譜序

卷之八

記

九牧鋪記

墨竹記

倦還堂記

十德堂記

湖湘二友記

興化府貢士題名記

自然亭記

林氏重脩先墓記

君子堂記

息心亭記

湖廣貢院增脩記

卷之九

記

醒翁亭記

杏隱記

上坵山記

夢紀

見素集文序

木蘭烟水記

晦庵朱先生燕居記

孝友祠堂增祭田記

三功祠記

南平關記

槐庭記

蒞漳政紀

性善書院記

廣元教諭黃先生祠堂記

雪筠記

虛谷記

頤晦記

靜齋記

卷之十

記

竹田記

城古田記

明建安滕氏雙阡記

四城門記

槎村范氏祠堂記

見素集文序

目錄

西水竒遇記

保和堂記

陳先生石齋祠堂記

慈齋記

竹亭記

卷之十一

記

龍溪脩復廟學記

杏壇授受記

味蘂記

城新城記

峰湖記

龍巖儒學改立記

歸全山記

吾道滄洲記

志樂樓記

方洲記

卷之十二

記

城東別墅記

見素集文序

目錄

二烈祠記

周氏西族總祠記

覺軒記

巖山記

錫重脩廟學記

黃卷黃氏祠堂記

考亭書院建修記

借溪記

寒谷記

瀨祭行臺題名記

餘杭重脩廟學記

太平別業記

后峰記

台州重脩廟學記

栗齋記

省吾記

天遊子記

三芳夢紀

期無軒記

卷之十三

見素集文序

墓誌銘

目錄

十

封工科給事中林公墓誌銘

故湖廣按察僉事王公墓誌銘

故陳母林孺人墓誌銘

翰林檢討林思軒先生墓誌銘

文林郎監察御史林西園公墓誌銘

中議大夫贊治尹興化府知府王公墓誌銘

南京國子監監丞林海峰墓誌銘

卷之十四

墓誌銘

封太孺人曹母李氏墓誌銘

白塘處士李公墓誌銘

故嘉議大夫都察院左副都御史周公墓誌銘

正奉大夫正治卿貴州左布政使黃公求我墓誌

銘

處士吳東軒墓誌銘

中奉大夫致湖廣右布政使事瓊山方公墓誌銘

致教諭澄渚俞榕原先生墓誌銘

卷之十五

墓誌銘

見素集文序

目錄

十二

承德郎岳州府通判東臯陳君墓誌銘

龍樓陳立雪甫國泰合葬墓誌銘

黃卷黃君儀韶改葬墓誌銘

贈承德郎太平府通判談松軒甫墓誌銘

中奉大夫致廣東左布政使事林公訥軒墓誌銘

刑部主事黃西溪配安人吳氏墓誌銘

先妣黃氏壙志

明大倉處士周君必章配陸孺人墓誌銘

卷之十六

墓誌銘

明將仕郎南京武學教授黃抑齋墓誌銘

明奉政大夫浙江按察司僉事柯山柯公塞軒墓誌銘

龍坡林母謝孺人墓誌銘

明橫山處士林覓隱墓誌銘

明儒林曹母孫氏墓誌銘

明平海衛左所副千戶鄭西庄墓誌銘

明瓢湖居士鄭朴軒墓誌銘

明尚書鄭東園元配淑人黃氏墓誌銘

族兄淳翁墓碣

見素文集序

目錄

十一

卷之十七

墓誌銘

明進中順大夫致左長史事抱獨郭先生墓誌銘

明進中奉大夫江西按察使恥菴周公墓誌銘

明穀城林母封太安人姚氏墓誌銘

明亞中大夫廣東左叅政烏門黃君易庵墓誌銘

少子迂壙誌

明通議大夫都察院右副都御史林公豫齋神道

碑

明京闈進士雲霄吳子玉墓誌銘

明中議大夫贊治尹致廬州知府事孟公墓誌銘
明中奉大夫浙江布政使司右布政使三渠陳公
墓誌銘

明奉政大夫南京戶部郎中致仕自庵王公墓誌
銘

明尚義官梅峰曾君墓誌銘

卷之十八

墓誌銘

明資政大夫刑部尚書贈太子少傅謚文肅椒丘

何公神道碑

見素文集

目錄

十三

明中順大夫南京國子祭酒晉江虛齋蔡先生墓

碑

明國清林樸軒張孺人墓誌銘

明旌表孝廉文林郎監察御史梅峰陳先生墓誌

銘

明奉直大夫南京翰林院侍讀學士靜觀吳公墓

碑

平南碑

明襄府左長史食正四品俸進階亞中大夫慎齋

吳公墓誌銘

明封君桃村鍾鶴侶墓誌銘

卷之十九

墓誌銘

明尚義官洋城林公質庵墓誌銘

明資善大夫太子少保刑部尚書彭惠安公神道

碑

明進榮祿大夫太子少保工部尚書劉公神道碑

明封文林郎大理評事林公槐庭墓誌銘

明承德郎致饒州府通判事林公古蘆墓誌銘

明贈承德郎戶部主事前埭鄭君敬軒墓誌銘

見素文集

目錄

十四

光祿大夫太子太保兵部尚書劉忠宣公神道碑

銘

明秦政大夫山東按察僉事江劉公墓誌銘

明進資善大夫四川右布政使致仕例進一階翠

渠周公墓誌銘

卷之二十

碑表

重脩岳武穆王精忠廟碑

惠新立文公朱先生祠碑

嘉議大夫南京兵部右侍郎王公墓表

奉政大夫廣東提學僉事宋君立齋墓表

尚義散官山沁陳公止庵墓表

亞中大夫四川按察副使東山黃公易齋阡表

中奉大夫廣西右布政使拙庵伍公墓表

上林處士梅竹墓表

文林郎錦衣經歷四雨林公墓表

中順大夫桂林知府方公墓表

閩三山表節婦林氏墓表

贈戶部主事羅菊泉翁墓表

長樂知縣黃公廷美墓表

見素文集

目錄

五

卷之二十一

書

答韓貫道侍郎

奉謝木齋國老

寄韓侍郎

寄馬少傅

復李仲易

寄韓少宰

東楊碧川時權國監

答林太宰先生

東楊碧川

寄何少司寇廷秀

寄陳志學太守

寄馬鈞陽

與大司徒侶先生

與謝方石先生

寄徐大參廣賢

答黃都運

答文徵明

答彭美中

見素文集

答方松厓

寄陳大參唐憲副

答費東湖閣老

與松厓戴都憲

卷之二十二

書

復王曰良憲長

答姚東泉方伯

復黃都運

復王曰良

遷定啓

復胡士寧

答胡侍御

復馮郡伯

復陳峰湖

復王陽明

與張廣漢

答程侍御

答楊遂庵

答鄭少谷

見素文集

寄楊月湖

答王天宇

答泉山翁

答劉德夫提學

答二泉

寄毛汝礪

與蔡我齋

答孫德成

與馮行健

與席方伯

目錄

七

與馮郡伯

卷之二十三

書

復潘孔修

復蔡介夫

寄張東所

與答書

答西涯翁

答黃伯固

與林泉山冢宰

兄素文集

目錄

寄楊石齋

慰西涯翁

答黃伯固

賀楊石齋

寄孫司徒

寄邃庵

寄石齋

復孫九峰司徒

復劉文煥

復楊志仁

復受會憲

慰楊月湖

寄邵二泉

答張白齋郡伯

達孫大叅

寄元老楊石齋

寄蔣敬所閣老

寄孫九峰

寄陳元習侍御

寄白巖

兄素文集

復趙司空

寄陽明

復陽明

寄章風山大老

答周克之

寄彭幸庵孫九峰

寄陽明

寄胡少宰

寄李宮保

寄楊石齋

目錄

九

答后峰

寄邵二泉

寄蔣國老

寄楊石齋

答趙司空

復顏司空

答白巖

答山齋

答邃翁

簡辛庵

見素文集

簡諸老

簡石翁

答張總制

簡石翁

卷之二十四

說傳行狀

邃庵說

因吾字說

族子伯隆字德符說

鄭氏三子說

目錄

二

彭良佐字說

壽州六子字說

字黃應軫君壽說

鴉說

傳

丁補齋先生傳

雙松先生傳

謝都憲約庵傳

行狀

贈文林郎監察御史陳公行狀

見素文集

目錄

主

吾母安人黃氏事行

明文懿公楓山章先生行狀

卷之二十五

贊

南京禮部左侍郎樂清章恭毅公贊

族祖伯安公贊

方水庄贊

題達小像

題長城林氏始祖沙公贊有序

方體安贊

五馬行春贊有序

王石泉贊

鄭岳山贊

竹亭壽意贊

山齋行樂贊

黃后峰野服像贊

睦州公贊

端州公贊

江陵公贊

橫州公贊

見素文集

韶州公贊

通州公贊

邵州公贊

循州公贊

雷州公贊

福唐公贊

福唐尉公贊

宗正寺簿公贊

同安公贊

知州公贊

目錄

三

同知公贊

縣尉公贊

三復公贊

處士公贊

敬齋公贊

翁庄公贊

陳永聲贊

卷之二十六

祭文

蘄庠祠先祖敬齋教授

見素文集

目錄

鄉老祈雨

祭丁玉夫

祭夏通政廷章

祭宋氏妹

祭黃叔登

祭白沙陳先生

祭檢討子道族丈

祭黃未軒

祭鄭司徒東園

祭廖約齋憲副

祭蘓守林師乃

謝晴

祭楊月湖父

祭教授祖生祠

為官兵疫禱

祭病死征夫

巴縣祈雨

謝雨

祭吳僉事景

祭汪洋指揮陣亡

見素文集

達縣謝雨

目錄

三

祭魏少司寇仲禮

卷之二十七

祭文

祭邵州

遣祭從征指揮王英

祭始祖唐忠臣邵州刺史祝文

祭豫齋中丞

祭儲殖庵少宰

祭鄭元美郡丞

祭困庵

祭抱獨郭先生

祭黃大叅伯望

祭楊石齋乃尊

祭東所

祭大師涯翁李文正公

祭大司馬劉東山

祭陳如賓孝廉

祭困齋

祭楊志仁少司寇

見素集

入序

目錄

二十五

祭周翠渠

祭澹軒弟

祭山齋母林太安人

祭張羅峰都憲

祭方與義

祭泉山翁

祭楊都憲母

祭鄭直甫

祭章楓山

祭孫德成宗伯

卷之二十八

題跋 雜著

政存齋稿後

題五賢遺像

恩命錄後志

題陳一夔太守像贊後

題朱二守送行卷後

跋張東海小草千文

跋夏太守育才家譜後

菊跋

元素集文序

目錄

三

跋李西涯墨蹟

題淳熙贈黃知稼告身

李長者誥敕跋

鸚鵡翡翠解

舟神紀

鼠雀對

馴虎解

郭巨辯

毒虎解

俟軒解

泣麟解

木蘭開劇

題以古卷

聯桂族範

家範

跋孝友堂卷

孝友堂跋

懷諸老二十六詩小引

鄉飲酒跋

題宋太祖擊毬圖

見素集

文序

目錄

題遂翁贈幸奩卷

跋趙松雪柴章書畫

畫我箴

阜俗三義

禁約民害

見素文集目錄終

後學黃佐校正

孫男及祖重梓

序

瑞竹詩序

丁未盜起贛州介閩之間蟻聚而蜂屯郡用大擾

今

上嗣大曆服若曰今惟民弗靖其撫之木與之維新入用去罪死齒平民有以自効惟茲渠黨猶于天罰迺拜王公述之爲都御史其往循之聲威所被脅從解散渠首俘而還郡告康又公歸自汀道過王臺之左有竹一本葉白而

見素集卷之一

序

乙

材

莖葉異常竹然根植寄於浮塋風露分於凡草容顏枯悴負抱鬱結如鹽車之驥在林之鶴欲自見而未能者公心異之剗其荒穢溉以冷泉輕颺徐來柯葉踈理意態欣悅瞻盼久之顧而思曰竹遇知幸矣舍是而往穢可使毋滋泉可使毋涸達陸之衝樵蘇還至其又可使毋伐耶于是移之于是植之憲臺之右灌溉護持昕夕坐對若羅致而抗禮者因紀以詩聞者屬而和之卷成太守陳君宗器屬俊爲序俊熟公聲望于士夫間植竹其將以自況也凡物常于同瑞于異閩南竹箭之美布滿山麓而是竹挺生不樂爲伍雖出於荒榛宿莽之中其所謂瑞而自見者恒未

泯也又况置之深嚴沃壤之地以全其孤虛勁節之性其
拂清風凌霄漢旁致同流垂陰宇內亦孰能禦之耶俊不
敏將爲竹以謝公知又因公以感竹之遇也夫事卽類以
推餘竹失其所猶將植之况靈於竹者乎竹之瑞猶愛之
則瑞于竹者又可知矣俊又以知公之心將無乎不用其
至也公事 明天子爲大臣時有可爲位有可致才若
力又足以充竹若有知將剝身青簡以紀公之休烈于無
窮所不辭也

送郭子聲入賀詩序

七月三日

上萬壽節臣工胥慶萬國方來雲南地最

見素集卷之一

序

二

沈二

遠駿奔走最先同寅僉事郭先生子聲奉臬表當行先生
闔朗軒豁嗜義如飲食由進士選兵科給事中抗節敢言
憲廟郊甘露降大臣議當賀先生疏不當賀可之遂

爲輿論所歸晉都給事中通政叅議僉都御史巡撫宣府
大同遼東坐同事失律不欲自直落六官出知射洪用大
臣薦陞今職歟歷中外幾三十年義槩汪度足以勝之故
處上處下在榮在辱無施而不宜予嘗私評先生之量蓋
所謂澄之不清溷之不濁者也夫觀人者不於其大於其
小不於其順於其所逆亞夫之忠勇長卿子厚之文章一
失所志懣悶悲憤卒至夫不堪惟元城檻車之徵神色自

若文忠以爲鐵漢然則先生其不賢於人遠矣乎士君子
惟義爲可從命爲可安聖賢爲可法否徒赫赫無取而偃
蹇敗踣顧爲士大夫之所推愛况夫起而仆仆而復起而
又卒無愧詞者乎或疑應州之戰爲先生病者夫乾時之
敗春秋榮之姜維伐魏累舉不克綱目書而不貶討賊之
義不可一日忘也已已而降虜勢寢張今年寇雲中明年
寇鴈門喋穢我邊徼創毒我邊氓未聞有冒其風而震懾
之先生鼓義深入獨挫其銳卽不幸不樹有奇功而賊虜
亦自膽落數歲之間少入爲寇然則先生之志之舉豈誠
無得也耶春秋綱目固未得而深貶之也予故爲討賊大
見素集卷之一

序

三

李春

義許之若夫茲入也華封之祝金鑑之獻忠貞之篤則先
生之所自盡予之私杞梓之收瑤環之賜股肱之付託則
聖君賢相之所必盡而亦予之私贈行詩成予僭序
諸首

贈郁長史序

魯盡儒服哀公使人號諸國曰無是道而是服者幸及身
服者悉變旣之獨一存詢以國事無失莊生曰以魯而儒
一人焉夫魯多君子孔子嘗云然固哀公時人也莊生豈
寓言耶將以儒爲訕耶 國朝以人文化成天下養之鄉
校收之科目曰儒生分教郡縣陞之太學曰儒師職館閣

列侍從曰儒臣以至外服內服皆儒取之他之科不與焉
豈非儒可貴而然耶今之儒固多也服是服而有是道徧
天下非徒如孔子所稱而已也江浦郁君以禮經薦京闈
儒生也三歷學官再教國子儒師也雖未登館閣爲從臣
然今職長史爲親王首相儒臣也以儒臣輔親王君德
之修否國政之弛張風俗之隆污皆係焉君將幸儒之用
而不收儒之實乎盡忠以事上正己以率下主德顯而身
名章邦國安而福祿隨之使國人稱願曰儒哉儒哉君之
立其不旣偉乎昔董仲舒相膠西王王聞其大儒厚禮敬
之夫膠西驕王也猶知敬儒今之魯非昔之魯也守禮秉
見素集卷之一

序

四

薛京

義世有 今王儒如君其有不敬者乎吾又知君之道必
行於魯無疑也儒之效不白於世久矣君幸勉之庶幾如
吾孔子所稱而毋爲莊生所訕也濱行監丞陳君正初偕
諸僚采請曰必有以贈郁君俊因與論儒然耶否耶必能
與魯諸君子評之

贈張希白序

閩邑張君希白性沉毅力讀書組織文字成化甲午以麟
經魁八閩薦明年登進士又明年拜南京大理評事歷寺
正副凡七年擢拜淞按察僉事筮日戒行秋官林君廷珎
以贈言委昔長安圩鏝計功而食柳子舉受直怠事爲入

官之戒古今宗爲名言希白起布衣數襪而膺一面雖危
巒下石椁颯之飽順風取疾無踰是者然食不可素而直
在必償世厄于飢者致哀而與一飯則誓死論報至階一
官被一命其章服足以文其身其祿入足以仁其三族故
舊朋友顧視之當然恬不爲德及期未調於邑徬徨鬱勃
如不能生叩所職不什二三乎舉質之由曰某若某非不
知不可問也事立而謗興法脩而屈辱至嗚呼不能事者
不受直食食者必功曲藝則然調士而不逮是其可不可
耶彼不知者不明也知不爲者無勇也忘恩者昧也圖進
而不止怠事而不以告以稱諸能者貪以惑也嗟夫渾樸

見素集卷之一

序

五

本卷

既散澆風日鼓以吉而不案掾吏勸相慎重取大官以晉
而簞簋弗飾以真卿而不知退他又可知矣則士之病于
是又不但今爲然也然則其孰能反而正之奮發思勵以
自方圩鎔之論無愧柳子之云耶希白方實敦雅重內而
簡文不爲威富異法窮獨無告咸依以生曰公廷尉吾屬
其平其固知而必爲如此浙首諸藩其司之長貳又多仁
賢君子希白其將暨乃僚矢心膂叶恭將事償直而計功
以能其官綏齊民風示天下無負所委任無惑也廷珎曰
子之言然書爲贈希白序

送陳監丞詩序

國子監丞陳公正初滿三考以老乞骸骨休于家六館師生留者十餘人狀數十上太宗伯少宰而下以及科道郎署之士夫井野行道之人咸謂大學繩糾之任非公不可或者謂公例晉秩翰林未宜以是官去公毅然曰壯而仕老而休人情也吾年且七十氣之盛者日益衰聰明之昔有者日益耗且故園就荒計歸故已晚矣秩之崇庠則充非吾志也竟之不欲留後聞之是諸人而歛容于公蓋公歷官垂四十年始終如一日持行純白真可以廉貪立懦與古之楊關西趙清獻者侔而師道之尊教法之嚴則楊次公胡安定其庶之矣引身知退末路不迷則又與疏太

見素集卷之一

序

六

林桂

傅楊少尹奚異然留公者公論也決去者自處也或者固無論矣車未及膏厚公者預以詩言別私淑景慕而得諸人心之同者無間識不識亦有詩獻積如束笋然後交公素厚未忍噤無言乃偕院判周君原已郎中鄒君宗道陳君時安員外郎林君長深馮君朋玉宋君惟寅主事王君廷光婁君元善龔君元之儲君靜夫凡十一人摘支遇各百韻闡爲聯句以贈公行李贈別之作故無是也俊來官南都觀諸老引身之榮頌歌餞送之盛惟大司馬三原王公介庵冢宰吾邑陳公愚庵大理卿乾陽宋公克敬及公蓋四見焉三公者躋位通顯澤易流而聲問易以被公一

教秩顧出而與之並則又知清脩獨行無處不可固不以位散要拘也俊故揭而大書之與有志之士胥勉焉

送馮時用衡求兵備序

兵備以文可乎曰可兵以文爲種以武爲植審利害察安危文也犯強敵力攻守武也相爲用而不可以相無故曰文與武左右也先王經國以邦政付司馬而徵帥布令冢宰實專之無燔屋垣無取畜牧無傷老幼不加喪不因凶不窮不能明仁也成列而鼓明信也利不爭明義也降不殺明勇也審事幾全制勝明智也謂非文能之乎專之武則反是批亢而擣虛賈勇而售力襲其無備攻其不意緒

見素集卷之一

序

七

林松

其人民灰其室廬撤其窖廩盡利其所有故文而兵禦亂也武而兵爲亂也專之武而將之兵縱亂也國家深監于此全師付總兵都御史叅之偏師付叅將兵備又叅之百餘年來民不識兵兵不識戰其有由然哉弘治壬子衡永兵備缺員四明馮君時用以按察副使授

璽書董

其事君文獻得於鄉詩禮得於家切偲得於師友刑名得於官序蓋文之尤者也僉臬湖南甚久利害之機安危之勢險易虛實之形固心存而目熟之矣移而治兵於武乎何有然請終其說焉聖人制棺也不欲使人用制醫也不欲使人求制兵其得已耶漸以仁摩以義節以禮和以樂

不得已則刑焉有輕典有中典有重典而又不得已則兵焉兵其得已耶有虞不賞不罰夏賞而不罰殷罰而不賞成周有賞有罰則今固賞罰之時也其可毋兵乎然兵備以文又以按察任之可仰窺君相之意矣曰仁義禮樂兵刑奚居曰毋亦仁義耳禮樂耳刑耳然則曷爲而言兵曰備耳

送憲副戚時望貴州兵備序

兵備邊之重寄也捍外侮綏內附置人國於乂安不搖實藉於此國朝文德覃被海宇寧謐允擇老宿憲臣膺兵備以填撫邊陲致治保邦之慮精且密矣貴州都勻生苗

見素集卷之一

序

八

深用

寇邊鄙者四十年上度不可撫乃命將征之王靈所振脅從風靡渠首俘而還于時兵備以戰功遷秩去銓司惟凋瘵之餘撫循控御非其人不可乃以永寧授金華戚君時望都勻授西安周君鳴岐皆以僉憲晉副使授璽書蒞其事上聞制曰可俊舊蒞滇陽鳴岐同官也

來湖南時望同官也二君皆時偉人膺簡以去無亦公爲得人賀私爲得友賀耶戚君將行同寅周君文化賦詩爲別諸君子咸和之以序屬俊夫制治易致治難致治易保治難方苗之始也同仁垂育則苗被吾化惡不得而萌既萌矣申畫郊圻則苗知吾守惡不得而漸旣漸矣來則擊

去則勿追則苗懼吾戚惡不得而熾旣熾矣兵又可已耶
則格鬪之苦輸輓之勤驛書之旁午功雖告成其爲勞亦
甚矣曷若制其初之爲愈乎戚君茲行或謂可高枕無事
者然飢者思食勞者思息瘡痍顛沛者思以蘇穴居露處
者思以覆蓋而衣被內治之責其亦繁且難矣况苗犬羊
之性難安易搖往之大垠嘗征矣謂無大垠也西堡繼之
又謂無西堡也都勻繼之永之羿子烏合鴟張殺越人于
貨又都勻之漸也其誅之抑思以處之耶曰樹風聲旌別
可爲也賣刀劔力田可舉也置博士學校可興也分南顧
之憂廣一視之仁以潛消其獷悍之性保其治於無虞實
不外此戚君粹雅而靚深其籌是亦素矣會周君幸共握
之

見素集卷之一

序

九

潘二

送別序

古稱詩窮人文章憎命達宰物者固不若是靳也人有欲
則爭名之於朝猶利之於肆又欲之尤也欲必爭爭則必
怒而變以求勝宰物者亦容得而深庇力禦之哉後而千
百世獨耀聞焉則宰物者之終惠而爭者迄莫置一喙其
間周公孔子大聖人也流言於管蔡毀於叔孫武叔而其
道益明下而司馬子長班孟堅李太白杜子美韓退之柳
子厚歐陽永叔蘇子瞻諸賢率以德業詩文名名天下楷

模後世與三代而上幾頡頏然皆遭迴躋踣時遭貶竄容
或滯一官夫蹇其時嗇其位嘒其志故德業益盛而詩文
益以昌宣溪王先生世賞其然乎先生大司寇恭毅公佳
胤童丱舉進士官翰林益讀中秘書發爲詩文英爽典麗
如大賈之肆益索以有同時名輩莫敢撻其鋒甘北面者
亦往往有之 今上在春宮先生日侍講筵時見眷遇
坐爭者陰中竟官留都然先生訕不久寤不極又將進而
都顯秩佐 明天子藻會人文宣昭鴻化以比良班馬
兼麗李杜集韓柳歐蘇之大成則宰物者王成之心抑亦
先生之責之慮也爭者寧得終掩之哉先生使岐藩道武
見素集卷之一

序

十

潘二

昌偕沈思古諸君子倡和聯句凡若干首俊哀爲卷序其
所以爭者以贈行李以公天下後世之人心爲愛才者地
也傳曰良賈深藏若虛君子盛德容貌若愚惟虛惟愚則
人不爭先生蓋熟此矣

永感序

黃門胡君聲之尊甫封君卒黃門哭甚痛柴瘠殆不能生
俊往弔焉曰曷以禮自將黃門復聲嗚嗚曰生其云何比
闕月再弔焉黃門曰金夙歲喪吾母客歲喪如母而今復
喪吾父往而不可返者親也誨言在耳手澤俱存而音容
不可復卽木欲靜風弗停吾奚生爲遂哭幾絕一日黃門

出求感詩屬予爲序以系其思嗚呼黃門之思其親其亦
可謂至矣昔子路旣貴思負米而不可得毛義親終而隱
曾子曰吾初爲吏祿不及釜欣欣而喜樂逮親也旣沒之
後南遊於楚得尊官焉堂高數仞傳嘗百乘猶北面而泣
不逮親也故椎牛而葬不如雞豚之逮存居處笑語之思
於悽愴奉祭之時視承歡膝下何若也然修短有命不可
必而致則有幸不幸其間者有具慶有偏侍有永感具則
樂偏則感永感則尤難乎爲情者滄海可填白石可爛而
此恨不可窮蓋壤間迄無人子地者其感寧有旣耶吾聞
君子付不可能於天責可能於己子報其親百爲之而不
見素集卷之一

序

十一

潘淮

過蓋還以施非增益以與之也人稟氣於天賦形於地而
孕育於父母舍父母蔑以爲心者體曰遺體何膚髮之敢
慢德曰世德何言行之敢違學曰家學何記誦之敢廢運
諸心思著諸論列措諸事爲本諸身刑諸家達諸國天下
無一而不致其至德立而道尊譽揚而親益顯其於地下
庶乎慰矣否則墓木徒號泪徒枯五內徒崩裂如遠且大
何哉是爲之序

兩漢書疏序

文章與世道相軒輊六經魯論渾噩簡野孟氏雒以肆至
戰國而極矣中間老聃左丘明韓非荀卿列禦寇莊周之

文閣深奇詭竝列名家西漢公孫弘晁錯賈誼董仲舒司
馬遷劉向諸人樸直峻整壯麗而辨博庶幾古作者漢而
東楊震孔融班固輩流習尚對偶氣駿卑弱夫世日降風
日漓文體日趣以薄其勢然也然亦豈三國兩晉例論哉
唐宋文章名家韓退之學史記柳子厚學西漢曾子固學
劉向蘇子瞻學戰國亦剖其藩升其堂者矣夫文不難於
華難於質不難於煩難於簡不難於奇曲難於拙直嘉祐
間歐陽永叔務黜險怪崇平澹格始一變予嘗私評作古
文字須削去近格專志六經曾論翼以孟氏書參之穀梁
國語離騷史記以集文章之大成以盡其妙以追古作者
見素集卷之一

序

十三

潘淮

爲徒蓋竊有志而未能也同年縉雲周君文化副憲湖南
間出尊府封監察御史怡菊公手抄兩漢書疏見示授而
閱之再旬廼嘆曰參本薑桂藥籠中物有志學古文者此
書可少乎哉疏中所載曰正心以正朝廷正朝廷以正百
官曰太子在早諭教選左右曰正臣進者治之表曰舜正
二女以崇至德曰天德無私親順之和起逆之害生要之
皆爲至言廼若婉而諷頌而規特立而道不渝盡言而主
不怒則又古三代君臣忠厚遺意可風示後世無疑者殆
將不直古文之師而已因正其訛謬別爲卷凡十六謀諸
同寮刺梓以傳廣公用心云耳公名珎字廷璋先教是職

剛實莊整讀書老不厭所著有應酬稿觀書類記皆可傳也

見素集卷之一

序

十三

薛京

見素集卷之一

見素集卷之二

後學黃佐校正

孫男及祖重梓

序

廖僉事輓詩序

鬱于中而泄於外者言也善易以公而宣之不平者易以激嗚呼孰使予激而公言者寸瑜尺瑕十珠而九以類同時如德徵君厥亦無滿數拍矣廖世澄坂農家君且耕且讀遂第進士授大理評事服內艱忍貧匿晦退然若無官釋爝時斗笠草衣偕群農荷畚鍤糞壤星言南畝以去

見素集卷之二

序

乙

人曰公貴官不可爲是君安遣之卽事如初跡不涉城府村叟畦丁迄不知有廖評事部使者亦鮮知者服除如京要人問家政君對盡甚在座吐出舌都御史朱公英中貴人交惡成獄君辯雪之靜澹恭恕爲寺正允平反專慮刑書畜勞成疾醫諷調攝君曰近頗食肉醫曰幾何曰日市四兩醫詒曰果盡曰損惠兒子幾半醫笑嘆涕出赴湖南按察僉事道死楊州妻括簪珥市棺弗辦鄉人楊知府贈焉櫬歸薄田喪盡三丈夫子弗諳農勤士業卒未効百指仰紡織無富親友可依嗚呼其命矣乎易君之爲自可致富假弗死自可致弗匱成歟子名自可有立顧窮以廉窮

以天窮以子弗售高之無宗元之中立東野之宗師卑之無叔敖之優孟軫念惟予亦窮而已矣嗚呼其命矣夫拂膺拊髀孰使予激而公言者言不言於君固未嘗損益也嗚呼冷煖恒態盈虛循環恒理泡沫風燈其不可恃亦故矣僅把之松庸知非叅天具物予言可信君後決不窮窮非君也序輓者之詩歸知時兄弟使交相勸速我之立以徐觀天者之定以饗君之貽焉

北山倡和詩序

京圻文物淵藪衣冠而遊不並郡邑士事事之暇寓詞咏歌陶寫情性俊不類具負兩京秋曹以聲律從諸君子後

見素集卷之三

序

二

受知深而荷誨益者北有卜君從大南有王君元勳從大詩閑肆警敏窮情盡變如電掣星流矢發機而馬歷塊也與之遊者六年元勳雄深雅健吐語驚人而格調兀爽興致逸發如仙裾輕舉野鶴之離風塵也高山出泉而風雨夜至也與之遊者一年歿焉資以解之非焉資以正之不知焉就以問之二君雖予友詩固予師也然北之事繁又居闈闈鞅掌中自公一見而巴南事易以簡爲署掛鍾山枕玄湖翠竹白沙浴鳧飛鷺紛錯而前陳寓目寄懷真足滌塵慮豁煩襟而遺外聲利俊與元勳每昕夕往還其間或引轡徐行或軒衣聯步或翳嘉林藉芳草或陟山椒以

達江南之觀石城天塹之勝風物俱收有倡斯和元勳尤
樂引同輩如寒與衣飢與食病而投之劑也故倭獲遊雖
不久而得吾元勳者將不讓吾從大也從大僉憲湖南予
亦來南都方將資元勳以卒業元勳復有湖南少叅之命
豈岳鄂山川之靈拔二公以往宰物者抑予忌而爲之限
耶元勳鬯茂績理知名士咸願內交及茲言別皆不能忘
情者北山設祖相顧怛然元勳作留別詩衆和之元勳執
爵而起指北山而言曰亭會匪常曷繫之懷吾儕其毋忘
茲山又言曰純終領聞勇退急流吾儕其毋負茲山衆用
覘元勳之欸欸其不忍以酣惑也引觴共流一笑而別詩
見素集卷之二

序

三

沈二

若干俊占序其首且致予私云然

送王中丞董理鹺政序

虜爲邊陲患師往征之先事開淮南鹽實邊商無往者戶
部以鹽弊聞廷舉風力大臣董其事上八人琅琊王

公廷采在馬上擢公都察院右僉都御史奉璽書以

行蓋公由進士爲知縣監察御史光祿少卿直節廉問自

結主知及是晉南京鴻臚上卿裁兩月九隆遇車載脂巡

撫彭公總督葉公舉贈章授簡於俊嘗聞之鹽法興於管

仲其後桑弘羊第五琦劉晏諸人毛收繭聚千時而取寵

利源竟不可塞然沿山澤之有充軍國之需縮漕輓之勞

致倉庾之實猶近道焉肆在 國朝循以無廢而監關利
柄驅駕商賈胡昔然而今異也彼誠利而趨之耳古之法
有芻粟則有鹽引其原甚清也今則有賣窩之名有鹽引
則久次視支甚簡也今則有勸借公使之名鹽取私市以
實官又甚苦也則又有出倉掣引之名費于私門者如此
罷閑之弄舞遊俠之縱恣恃短長以漁已利餌巡官則張
口信信 食其肉無厭困于無賴者如此行鹽故有地今
衡未則廣昌信則閩南陽則河東分于越壤者又如此近
戚私人當緣賞賚在滄則多夾私鹽銜尾以進在淮則攬
越抵昌盡廢常格其阻于怙勢者則又如此無惑乎鹽商
見素集卷之二

序

四

李春

解體而深避也公奚致之樂趨哉私門可革也無賴可懲
也越壤之分怙勢之沮賣窩之占抑能盡澄之乎其不然
避者終不至矣國奚以富邊奚以實固有任其責者夫燭
宿弊而舉大臣也剔宿弊而慎以付公者 聖天子也
有不得行無不得言有可得言則亦無不得行者矣易損
下爲損裕用莫如節理財亦自有要淮南七十二萬之課
有常額焉大曆之末鹽利半常賦元祐有加至紹興則秦
之一州已踰其數是非所以望君子也

送任宗海序

江之西大省也人秀而服儒吾伊佔畢連東西家焉田叟

村疇下逮執役之賤亦口掇書史援章條以相擠軋大吏
至則旁聽不睨以下上其譏評適當其意吹聲鼓譽恒若
弗及其弗然媒孽以甚其直其亦弗少矣故官于其地才
能之收叙恒首它藩而庸冒僨事亦往往而有温江任君
宗海之爲江西按察僉事翰林學士紫崖馬先生來速贈
言先生文章家不自爲告欲以公諸人示信重不自其鄉
始也其可辭君慎密澄瑩由進士拜行人積有賢問遂拜
南京監察御史彈劾不避批逆麟而幾不脫虎口者屢之
其按鳳陽監龍江商課也宿蠹梳爬風裁允炳烺可諗左
璫失故利私思苦之然對人必曰真御史真御史江西聲

見素集卷之二

序

五

張希

烈其無是豫占耶夫訊讞之司激揚風紀之任無所擇於
中外邇踈焉爾策健馬駕輕車以載馳乎熟路無憂其弗
至矣古者赭墨其衣冠而禁行人肅後世法日峻犯日以
多日械孿猷朴其無畏也獨何歟禮義不施而廉耻之風
無足以勝之也夫冠九人髮一人則髮者視爲恥三之一
羣忘之矣半則又忘之矣髮九人冠一人則冠者顧獨視
爲恥故禮義廉恥是爲四維風化大機軸在此也先之以
禮義以立其防重之以廉恥以端其避趨之路夫然後刑
以示警則其始也人畏之中也人愧之終也人服而習之
以率教爲當然失禮入刑爲大誡夫何患貪者不廉暴者

不良矯僞者不誠信以自將轉移感動之機有不自我者乎昔晦翁先生提刑瀾東以嚴爲治清獻公官成都以惠利爲本至於治杭誅鋤強惡姦黨魄落寬猛翁張之政宜亦有可思者先正有言一家哭何如一路哭不善人之不去善人之賊也君必勉之吹聲鼓譽將遍之江之西以達之朝堂之上雄秩峻命容於君獨捨朱趙行業于於君深冀焉弘治辛酉七月上浣莆田見素子林俊書

送丁王夫序

南京禮部郎中丁君玉夫擢提刑按察副使授

璽書

董學事廣南君初以中書言天下事倅遠州

上念之

見素集卷之二

序

六

張希

三以職事起于家及是未四月有是拜大臣之所簡聞

天子之所超叙視凡格數等以首勵廉退崇士風固非

直廣之得君與君之道之得行於廣也君獨味道腴力探

理奧超見特悟趣尚甚高將門戶陸呂堂室朱程藻會乎

韓歐以華其文未弱冠卽抗顏弟子師立行葦床下不爲

愧芥拾科第不爲竒描摹媒孽搖曳而頓撼不爲挫冗散

不爲卑進不爲榮頹垣腐棟殘甍斷礎而居不爲危衣鷄

竈竈無足隱乎中而有所繫非深於道能之乎微諸往則

其來可知也持衡運軸廣人士將司平致遠于我者矣海

南之風其無翕然矣乎或疑世以文章第倫魁服有官序

丁君道雖工其如世弗重何予曰是未然文道之器也不
深於道而能文者希矣夫山不自輝惟王之所爲水不自
媚惟珠之所爲文不自工惟道之所爲文而不深於道未
見其能至也屈平之怨刺宋玉之柔婉莊周之縱放楊雄
之艱深文乎哉韓昌黎歐陽六一因文入道至而未至者
也道之至者其文雅以純簡以肆閎以雋求麗以則神暢
心舒而剽煩理粹叢寄穹受綽有餘意子奚文之是而道
之遺耶然又告焉古之道無負於今今之人未盡然于古
也庸有與君爭名者矣抑均有責也子瞻賢者也未不能脫
攻洛之一癥自爲者固將以自創矣君亦無預爲程叔子
見素集卷之二

序

七

沈二

一地哉濱行廣士夫因鄧正郎公甫之舊來速贈言附所
私者如此白沙孤碣蒼烟草棘之間文旃所臨爲我注深
意焉

壽宮保劉先生詩序

記稱武王夢九齡無怪歟壽聖人不能知亦無能增益以
與之者卽能之文王將不私所愛武王亦豈忍受父以自
益哉桓常騫對景公益壽之數天子九諸侯七大夫五皆
駕虛無經見之言黃眉翁反骨洗髓李少君丹砂黃金充
爲荒誕難信天之生人氣機形治以盈縮之化有所盡則
壽有所終惟稟有厚薄故壽有修短斯命也修身養性無

室其壽斯立命也壽之義久也中庸言至誠無息則久修
之身施之事皆可久獨命云乎哉程朱歐曾韓范之生亦
久矣後世言學者必宗程朱言文者必宗歐曾言事業者
必宗韓范聃鏗之迹落落無聞顧得而言壽哉太子少保
鐔川劉公之壽俊將得而言之公宣靈胤淑全萃之閩中
而膺運賚弼則實關之天下獨策儒區鈞玄理窟蓋已植
志古學而雄詞逸韻直欲啓文鑰而撤其藩廉白方重剛
貞之體又足決官疑稽國是尤表特者名位日起寵注日
有加士大夫延頸以贊 重光興寰宇理平而公以滿盈
引疾挽留不可已遂進官保馳傳以歸給廩給力所以隆

見素集卷之二

序

八

李春

重之者甚至今年壽七十三七月望又二日壽之辰南都
諸大老賦詩爲壽俊受知公不容無言夫脩之身施之事
文學政事信今傳後無疑也區區之歲月胡足爲公壽哉
抑彼勞一生爲世道地今始息煩解要飯有公粟無患乎
罷無所歸役有公卒無患乎徒御之散林風川月有樂而
無涯村叟溪翁有戲而無虐於世無求於物無競蒙莊達
生元亮隨化吾不知山中歲月與當官何如世人莫不瞻
敬播紳士倚爲矜式彼落落無聞樗栲閱世者惡容一喙
論哉吾閩人物林公莊敏陳公康懿彭公惠安及公稱四
賢公獨巋然靈光殿我閩服固非獨受知之私慶也昔富

鄭公以司徒李文正公以司空致政爲耆英九老之會今公亦司空嘗貳司徒視二公爲無愧者年宿望鄉儕輩宜多矣嗣是有會將於罈見之不知是日有溫國有方外名流幸致吾詩盛傳美焉

送李君德舉知長沙序

唐憲宗時李逢吉請示威李絳進曰王者之政尚德不尚刑上是絳羊杜守襄陽後之人思羊之深杜不及焉德刑之効異也長沙古湖湘重鎮限五嶺界洞庭川岳孕淑忠節成風而偏村一聚豪宗甲姓相蟠結通租稅武斷強食不可爬梳以理吠聲所流則曰郡難治難治守者至輒臨

見素集卷之二

序

九一

林文

以威予嘗過其處守以輿夫弗辦索健隸拳其耳根予疾止乃止曰是非是弗治又過守者尤嚴杖人動百數予假事以諷曰凡牧在拊循答人比二十迺已守陽諾別去繼見言曰適教言長沙萬不可治近指原役某猶杖之至百死者十二三民猶視若故常誠公言如長沙何予曰則顧重之耶去歲月予更繁湖南書公移之尾曰省刑罰以重人命勞撫字以宣皇仁其人愧畏而刑遂就簡嗚呼刑聖人所需齊世不得已而用者也治民如治繩急之則棼不可理剛而獨任亦難矣南京刑部郎中李君德舉之出守長沙也其同寅尚君美信戴君景伊屬予贈言君浙

之台州人漸多賢稱天下文章氣節台又其尤也君聞見而知亦熟矣其爲得亦旣深矣不然胡卓卓然之若此也君簡遠冲邃粉墨內寘而服官繩已綽有次第在刑曹踰十年權物銖兩而人無冤稱爲司寇所委信儕輩推先長沙勞望將無如刑曹時乎夫旱久則澍甘風霜凜冽陽和益自可愛叅以數宜亦有君以更化其後以起長人之速蘇也至愚者人而至靈易感者心也誠則動仁以摩撫則易悅而從故蒲鞭治不撻一人亦治深文峻政救火揚沸者顧以長姦而破觚斷珣禁網疏闊竟以裨俗而成化由是觀之在彼不在此也或曰催科無善政守先事在此也

見素集卷之二

序

十

林文

長沙逋賦十數年甚者至欲臨以兵子欲德舉以優柔成治其或未然予曰是所謂誠之仁之道也夫律吏姦則無私擾防民欲則儉而省費課農勤則無蔓草而庾有餘粟教則禮達而知分子惠則民父母之輸賦以急公上均是心也夫弗治其本治其末則曰民頑民頑豈惟民之故哉德舉固有以辨此矣不然諸君子所以深服而委重者果誠無見子亦將蹈失賢之責矣

送范應禎按察福建序

古者兵出於農井田制而兵寓焉要之七家一兵七征始一遍藏於田歛簡於暇日而調發於臨時故無召募之勞

無養兵之費均以便也漢南北軍唐府兵亦倣于此我

太祖遠稽近紹屯守之兵居然古意內地則屯八人守
二人邊地則屯七人守三人衛五千人輸歲六石守人食
月一石以歲輸克歲食二人則歲贏一萬二千石也三七
則歲贏三千石也廩官之費民賦商征有餘辦矣夫何歲
久弊滋今之兵額率耗其半田則故存也於是嬴丁之
補種細民之租佃食之愈寡糧不贏以告乏何歟予嘗數
發問而執事者不能告也釐正之方宜若可論者圖籍鮮
存畦畛數易故疆今鄙漫不省識考之甚難也吞隱者寧
死不自實私市者物故冒民版者歲以深一家仰賴焉以

見素集卷之二

序

十一

梁

法復之則私直罔償公租無所豁一家之生事去矣此一
怨也欲求其端必開告訐之門予嘗見督屯之使惟利得
田希已功奸軍乘氣勢奪民產無控愬此一怨也豪右私
屯田連頃畝無敢發其奸官治之則搆扇謗讟此一怨也
下官承上意爲出入亡可否彼售其私我買其責此一怨
也則是亦怨非亦怨我者若罔安于位况望之濟哉溧水
范君應禎潔瑩慎績有幹局其在南京戶部有名今年以
員外郎擢按察僉事 璽書督屯吾閩是固所熟試而

驗矣因孰試晉新銜收有來効孰禦哉春官陳洪載述君
論屯之政曰昔惟無適莫其間耳職屯必利屯若職民復

利民耶世豈有是亦示之以狹矣吾奚有倚哉屯是屯可也民是民可也屯是而詭之民則正而曲處之視故誤而軒輕焉除其租以上下其直毋泛清也必額以爲定毋遙度也必簿以爲憑毋偏任也必師以爲聽毋䟽核也必差以爲察毋謀決也必詳以須之盡其與民均也吾奚有倚哉吾仁存而義施焉額幸而足恥言功不足寧任其咎直之吾不知爲德繩之吾又惡辭爲怨哉予驚喜曰名之下無虛士哉是可惠吾闔矣抑宣力之任也 國家未無兵食之憂則有兵農故事然豈易言哉亦經世深念也

壽東園鄭公七十序

見素集卷之二

序

十一

梁

山受土而高也水受之而傾求溝澮其間不可得也海受水而深也土受之而澄求丘陵其間亦不可得也况望昂且瞻匯衆流以高以深以與天地相悠久者哉故受有所至而居有所宜人天地之受也其胎殯嬰札受之未至也其生鮮慧其境俱逆其居之未宜也則惡在于壽耶南京戶部侍郎仙溪鄭公東園軒特峻爽在翰林與晦庵少傅東白學士吾鄉并庵御史翠渠布政未軒僉事以經濟相許與公搜奇剔恠鏗發金石而深博醞藉益探以有既家食循義門家規藍田鄉約以自見治生養樹之術翕闢紆縮族是用裕起初官超拜浙江提學副使國子祭酒改南

京通政有今官闕達宣朗遇事時出新意才高物忌連疏
引歸 上倚注彌渥今年壽七十精強難老無異昔時

公子婿陳君在克巧文爲壽俊嘗疑仙溪山水之秀毓英
鍾淑世宜有人而公生百年希闊之會鄭世官門衣纓中
落而公歸然以起山川之氣詩禮龐厚之澤之所均萃公
將無得而辭者矣而又樹植以隆基藻繪以傑詞居高瀆
深章寵而優裕者完至筋骨不殊子孫滿膝下人世間無
一拂意山林廊廟若進若退公奚處而不宜如岡如川之
壽公亦奚靳而不躋其極哉俊貧病先老百不自謀視公
如在天上甫完福亦鮮如公者受者弗專而居者未易盡
見素集卷之一

序

三

清

宜公獨不可自賀歟

贈查忠齋副東臺憲序

國家布局待士登其成任寄之弘上恩以霖霈逮下之澤
百年而收旣然矣竟之不四三以副是無它工藻飾者落
真源習權變者乏風節喜功立名則往往隨俗以化材實
兼備難其人爾矣予任方泥變然頗以好賢名常思海內
士執鞭焉晚得黃公公獻姚公英之王公道亨及吾查公
原博忠齋皆足樹風猷殿翊名教世道幸賴焉忠齋潔已
先物闇日章智不尚察辯難若無奇而績效之收如秋霜
肅物有不出鈞陶之外非所謂謙謂恒無成有終之君子

歟僉憲吾聞久之擢副山東察使以去夫貞憲度臨制百
司坊民欲而評事反固已試者况東古齊魯封地有周公
之教化太公之政理孔子顏子孟子三數聖賢之心法具
在俗易與而治固以易爲也頃者流寇蹂躪水禍爲患苦
食生瘞死公私有餘累治未可以易言者廉濁身始也馴
暴法始也坊淫約泰又風俗始也本之以貞持之以固終
之以久焉不變之節道有固然者憲驂戾止今黃公爲憲
撫姚公爲左轄王公爲總憲暨公四君子竝臨于東身率
誠感濁不足汰也暴不足柔也荒不足慮也淫侈之俗其
不足釐以正也立廣大之治功以成渾厚和平之治體以
見素集卷之二

一百

無愆風範之素以盡還前正之舊使論治者必曰東曰東
論相觀而治者亦必曰自東自東而推原治始無獨四君
子自信子亦將與知賢之幸矣憲伯盧公伯居偕寅案諸
公屬予贈言附所私者如此

見素集卷之二

見素集卷之三

後學黃佐校正

孫男及祖重梓

序

西團張氏家譜序

氏族之官廢望家右族往往自譜其姓之所自出而聯其世系之詳以序昭穆合疏戚明本源之故滄桑變滅天地無全經譜固一家之書欲人存而世具之意者其難矣乎夫兵燹失子姓衰落又失失而不幸以久則無徵無徵而續則又難也耀門第者率附顯以文高窮遠以章故荒見

見素集卷之三

序

乙

林垵

臆說自誣其祖遙遙華胄識者譏之嗚呼世有不附梁公如狄青者幾何人哉吉水西團張氏出曲江公之後按歐陽文忠宰相世系曲江五世孫景重爲洪州都督叅軍三傳爲渥西團渥所遷建隆庚申時也譜之失屢矣嘉定壬申渥八世孫子儀續修之子儀之序謂出始興之清河至渥始徙吉水至元甲子九世孫同老之序又謂里中同姓十數皆謂出清河而西團之族寔自渥始故斷渥爲始祖而闕其所不可知是後元統甲戌治之序永樂甲辰宗璉之序今弘治壬戌子友兼美之序皆主同老爲然渥距今凡二十世名行仕處生卒歷有稽亦既遠以詳矣夫詳

可知譜法也古諸侯不敢祖天子大夫不敢祖諸侯始封者其始祖也士庶人受姓爲原始遷者亦其始祖也則張遡曲江而祖斷始渥者爲近又况世德濟美文區仕軫連世有人而林樊養高亦居然風致斯世族所恒慳而張獨盛者也張之譜兼取歐蘇而歲時之祭一宗朱子義田則又范氏餘意斯又世族所恒慳而張獨備以舉者也譜續修出兼美則尊府封君繹貴志也封君仲子兼素純重有古風成化間由進士出知宿州負時廉名入爲督府叅軍子見之陳白沙旅次私若有所念迹固甚踈也予後以出位言事幾不測公冒昧論救同下獄又同貶官又同叙復

見素集卷之三

序

二

林

嗚呼死友也兼素物化十八年予承乏西視謂得携一觴澆宿草慰我兼素泉下而中遭大故宿意罔酬序譜之文豈直生者之情而已兼美有先請二姪琳珊有書問稽命感慨之餘收淚書此

送羅漳南考績序

凡以察章神整集事衆所厚信識治者所逆計而疑也夫自售之術工則逮下之澤弗流澤弗流民奚利於官顧使食其土爲己厲哉南海羅侯由南道出守吾漳平生重鎮躁簡御煩仁化暴區區自售之術茫然無得也予深獨信爲賢始知蒲圻歲計月考有明効焉爲御史韜穎落芒不

爲顯地易槩當局䟽事危論錚錚旣蒞漳益謝去聲色退
然老成言動如儒生而仁柔撫祝如慈父母不察而斷不
威而事告集人安以宜之惟南詔介漳潮壤接之墟斗崖
深箐鳥道數百里無列騎方軌之地盜所窟穴黃四羅大
師納亡命時出抄掠雲霄間大發鷹縱風至而鬼出殺人
奪貨虜汚官男女紅巾赤日數舍無人跡滋蔓重不可圖
侯至柔之不可驚懼之又不可則率兵臨其穴擒二惡魁
獲其黨二百有五十而餘脅從就撫居民行旅倚枕席爲
安舉額相慶頌聲作焉侯例當報政郡博士弟子謀曰侯
仁威人也數十年巨蠹侯則剔之民則有頌吾儕其容自
見素集卷之三

序

三

林桂

暗迺具事槩授涂生燎來請序言憲副黃公敦實亦貽予
書道侯美甚悉予未由至漳以見侯之政亦非誠識治者
然約以疇昔之見近時道路之所傳聞憲副公之書之所
道述所深幸而信也侯得最書矣憶嘗讀漳之諭畬記南
詔宋南畬地南畬據嶮左翼軍統領陳鑑會兵勦捕僅得
二捷畬不爲懲朝廷選守得卓慶揭榜諭之旬日畬止侯
不爲慶而爲鑑獨何歟是蓋柔而不可者侯有所授之也
昔子路治蒲夫子不見其政而稱其善曰恭敬以信民盡
力也忠信以寬民不偷也明察以斷政不擾也大叔政寬
而鄭多盜深悟子產尚猛之言攻荏苒之盜去之夫子曰

善哉寬則慢慢則糾之以猛猛則殘殘則施之以寬政大以和今侯視子路治人視大叔治盜夫子之所與也予容贅言哉抑易曰勞謙君子萬民服也恒亨利貞久於其道也 新天子不薄遠民不奪侯而借之漳嗣是之政將大書不一書民之心亦知己者之意侯終惠之

邵武府續志序

志始於夏禹貢周職方兩漢之地里郡國唐宋之十道九域與夫王會三輔之圖方輿寰宇輿地之志迨 皇明

一統志而始大備然固天下志也法不得以詳郡則得以詳譬之目備綱可以舉之矣故陸游有會稽志馬子嚴有

見素集卷之三

序

四

林桂

岳陽志昌黎過韶借圖經夫子悼杞宋不足文獻郡之志其未可少也閩之邵武舊有志曰和平志者出上官氏曰武陽志略者出陳士元氏至成化間郡守馮公孜修之劉公元又修之論者謂馮過繁劉過略斯夏公育才續修之所有事也意良勤而其事精以覈矣然以時考之要之二十有許年之期豈其數固如是耶馮雖不及識然嘗聞其風賢也劉夏予及識夏且厚又賢也今之吏諉文事爲不足談况肯公牒叢委分神寄慮人蒐事獵於簡編克汗之間以成一郡之志者哉是可觀其人矣夫古今此山川夷阻殊焉此戶口登耗殊焉此則壤萊闢殊焉此庸調繁省

又殊焉此學校人才風俗脩睦盛衰醇漓又殊焉是若數而不專在數也庸有執其機者昔蜀知學東郡善吏說者各本之文翁延壽之遺吳札聞衛之風美康叔之德於唐謂有陶唐氏遺風然則嗣是而蒞樵者尚知所本或將采其風以爲 今日神化之助是志也官之規其天下志之輔歟

秋堂事紀

正德丙寅秋夕余疥瘡三發愈數日復發發一日又愈家人市一海螵侖鮮巨且壯時傳羅君汝文取舊事績來莆予命養以須以借君擇最佳處共烹而擘焉比過余余

見素集卷之三

序

五

林松

瘡復微發閣白板扉布席其上以臥聽君談不覺疾之去體也既又談一二老解去事予疾猶初又恭述我 孝

宗敬皇帝大漸顧命我

皇上及三閣老之言余老泪

橫出嗚咽重不可勝疾遂大作手別君姑去則煩懣沉覆殆若難支嗚呼是無浪翁與元子說化孫樵讀開元雜報之感者乎以一衰老之軀俄頃而症三異焉孰速予差予復而又予加也又數日君又過予坐談余又臥白板扉以聽一差一復一加心欲留君而力不可耐海螵者誰予家亦不得共烹而擘矣又數日強起致君鷄一豆肉一豆適饋魚者至魚又一豆則三味已如例海螵者又不得越烹

共擘如宿所期云又數日君有九鯉之遊予四十年貯結處也神爽遙邁而病相阻留則生致是蟬于君君得專而享之矣嗚呼謂微一蟬有成數默運其間如是者耶前四年予二人均以內艱解臺郡務君東歸予南旋芋原白沙之交舟上下相失自是予戢羽夕林君長風廖廓縱翰且九萬里邂逅無復期孰意有今者之至遊予事偕君遊子樂也孰意有予今之疾如許事會適值而又出不齊其間是未能無怏怏也抑數日又別也後日之會則信乎不可期寧復惜一言為贈哉君子所畏也贈言之篇亦古恒言云耳何能別置喙以新觀聽于君哉凡在我者皆內也大

見素集卷之二

序

六

林

之真人極而翊亮皇化次之鎮雅而運淳儒區道軫有事任焉餘無若擘蟬然君決不動睫物治秋堂之言固在也君以問諸柴墟

南山別言序

孝宗敬皇帝山陵畢故事開局纂脩起初潛訖顧命時事謂之實錄乃盡召史官起之于時壺陰黃先生以在告當行或問曰壺陰行矣曰行曰胡為乎前日之歸曰歸或者突然謝去一日郡大夫合餞之南山或又曰壺陰信行矣予曰夫道綱常而已其先後緩急體道之權度也方壺陰為翰林編脩史事未急父喪未歸土母孺人年望八二子

孱弱違嚴訓事有先且急于是者乎宜夫有前日之歸也
今則大事襄矣北堂之甘旨益備矣望九之壽堅澤不衰
二子成立拾科而綴美壺陰之子道父道歸盡之矣今史
事方殷纂摩屬其本務事又有先且急于是者乎夫有道
之碑不愧為幸又况鋪敘 鴻烈搦筆之大快臣之道

其又盡于是者宜夫有今日之行也酒既半同餞皆有詩
郡守陳公志學相屬序引予惡容以獄吏擬史官然窻友
有告也獄繫一人之是非史則關一世而信後世其無尤
慎矣夫昔昌黎懲崔范之覆不敢作史至脩順宗實錄以
切直見忌卒之竄定無完篇史雖公猶難如是重以意與

見素集卷之三

序

七

林松

疎失之如楊億之醜詆張洎令狐峘之遺落顏真卿宜夫
靜脩有無邊受屈人之論矣予又特慨夫宋孝宗實錄出
傳伯壽所撰視他錄尤疎今我 孝宗神聖寬仁等成

康而同堯舜宋之孝宗無論焉史贊堯曰放勳舜曰重華
吾夫子贊堯曰蕩蕩舜曰巍巍夫天之高大不可繪今之
史官居然班馬宜無患宋孝宗之錄然亦繪天者所畏也
壺陰曰唯正德紀元秋九月望見素子林俊書

送林世明序

世明將北上春官來言曰兄幸有以教弟卽第惟是之歸
卽不第為教官去亦惟是之歸不更及贈言予與世明同

林而異裔世明曾大父憲副公則予先妣黃淑人外祖也
憲副公直聲廉問爲時令人郡志名宦有傳公旣終于官
子孫貧落然皆讀書守理負奇氣纓組有今而世明又蘄
蘄然見矣前數年世明以所作文字質予予盡篇而讀之
其運意高其命詞遠其究理深以刺其議論出入六子其
氣壯激其視世之陳詞淺語若不涉于意夫舉有司者高
張科格聚而較之一不在機綜雖齊統魯編無顧者是惟
鄉論尤然世明能別出機綜哉然誠寶者其不終逸也世
明旣售之矣今之禮部則良商鉅賈物色奇貨世明以鮫
室之綃水蠶之錦往投于其間有不翔價爭售者乎世明
見素集卷之三

序

八

蘇仁

義不得爲教官爲進士不爲世明喜也凡學以專而精分
以事則雜新者不時增舊者將日舍而去之矣則猶夫人
也孰若教官日從事簡牘筆硯之間以精所業就遠大如
古聞人哉今夫高官峻秩進士起者也任大者憂亦大世
明布衣與天下之憂在事局其未由已也世明有祖風烈
剛者也昔暴勝之爲直指使者威震州郡雋不疑曰吏大
剛則折勝之納其戒李至取爲座右之銘夫士患不剛剛
不善用悔吝隨之矣易壯與夬君子用剛之時陽衆陰寡
攻之則用壯乘其衰而決之則用夬有漸而不失其宜焉
然彖象之詞猶以正以禮以說以和而二卦之初九均有

足趾凶咎之戒則剛不可獨任而初者其不可不謹也抑
學至則養熟而善用剛世明爲進士無廢學哉

送夏必順廣西文衡序

故事歲大比則預致所以司文衡者藩臬廉其實以薦于
御史商較之必參合則禮幣將焉其間百一之不齊容有
之餘皆賢者也公無私也故公道未去惟科舉一途爲然
是固成法之懿抑亦諸司率由胥慎協恭弘是道耳是年
莆郡典教夏君必順應廣西之聘君廉實而舉者也賢者
也公無私也君治禮禮自秦焚滅之餘視他經尤缺漢蕭
奮始得儀禮於高堂生劉歆始得河間獻王所傳周官於

見素集卷之三

序

九

薛克

秘府穿鑿附會嫁偽襲訛晦翁朱夫子考定易書詩春秋
四經獨禮未敘正而卒吳草廬定之晚年亦未竟編而授
意於其孫當者則亦未就是固未成之書而簡帙繁瀚在
昌黎已有難讀之嘆近制雖備一經而天下讀者蓋鮮嫡
承直授獨擅餘姚君餘姚產也夫以冀人視馬難爲馬粵
人視珠亦難爲珠君玆行毋患乎不精患乎未足以盡君
之用也君又將去而上春官夫師儒舉進士近例也取人
何異取於人者哉不得盡於彼將得幸而盡於此者矣禮
敬業知類其學有序俊士造士其升有漸始仕強仕其授
任有階君盡值之矣能爲師然後能爲長君身試之矣翼

翔穎耀君殆其時矣抑吾道自有長世不在舉進士而成
否利鈍又有司其間者君固未是爲軒輊也同官諸君子
與門下士別之郊予敘所以贈者如此

木蘭陂集序

行水之道因利害而順逆之耳夫水溢而上則下民其魚
順䟽以熄其害若導河積石岷山導江者是也水趨而下
則上田不毛逆壅以收其利若鑿鄭國渠堰鉗盧陂者又
是也然順之勢易逆而壅雖小猶難者以人之力而與水
爭也逢其怒則不可禦矣木蘭之溪源永春流德化歷仙
遊趨莆而注之海不爲不遠匯三百六十澗之流不爲不

見素集卷之三

序

十

薛京

多引以溉南北二洋萬餘頃之田不爲不利以博溪而不
陂容無蹈西門豹之議者乎然李冰䟽蜀終深陸海之思
河伯循崖徒切望洋之嘆以郡而無奇男子賢士夫良守
令不信也而錢媛僅女人林從世僅進士李長者僅富民
皆自鄰郡而至捐金濟物不待一命而然俱偉以烈矣私
惜者急義同而役智各異故長者獨垂無右之功嘗蹟故
陂論之行水行兵道一也兵法得地者勝錢之始築將軍
巖下右堅左脆水薄其脆林繼築溫泉之口上急而下渙
水襲其渙其取敗固宜長者重有創焉木蘭相基天假神
授兩山夾峙左右翊以當其衝伐石海洲臥牛拋馬縱橫

牙互而鈞鎖以固蓋以人之力助其中堅水不得不循我
渠道以行支川走二洋歸斗門以旣以宿以節而入海陂
成而利莆世世命脉在此也夫財貴能散者也長者之義
與卜式同而助邊助陂殺人養人異耳公非劉氏七廟之
記謂賈滂攻城野戰殺人以取王封而信堰水溉田興養
人之利僅羨頡矣今長者與信同功而祀義廟食矣封沐
我 孝宗敬皇帝歲祭之錫信不及矣陂有誥文記傳
諸紀其裔孫郡庠生能類而集之請序於予拙宦委散未
能買田卜室以托老是陂筆耕磽薄間嘗竊烟水自潤斯
序也其容衰落厚辭

見素集卷之三

序

十一

沈二

城仙遊詩序

丁卯冬城仙遊先

孝宗朝言者欲畫城諸縣部主其

議而慮詘其力則以屬諸令之能舉焉嗣是縣間有城者
是城御史韓君守清力也仙在萬山中大姓因田而族縣
無當一巨聚盜至則富走郡貧藏伏崖谷草莽至正間巨
寇陳君信陷縣治李文再陷陳同柳伯順白牌又連陷腥
羶汙溲殆遍鄉東西 聖明掃清區宇百四十年民物

康阜然而溫鄧之寇驚疑縣人亦屢矣歲之首春漳寇烏
合無賴肆鈔掠于仙郡大夫逐之而虞復至乃偕大司徒
鄭公東園議曰城盛民也王公設險以守其國而禦暴衛

民城其可久也以告巡按何君道亨而時已初夏恐涉城
郎之書期以冬月從事而何猝解去君代之毅然曰城役
固重然前治已業無難者昔齊桓城邢春秋再序三國之
師美救患分災之義今專仙之力而分甫之財無不可者
曰汪汝通判其攝令事程土物平板餘命日量功曰曹汝
同知其相財用其偕考極略基曰汪汝專役事毋惑于搖
言以奏厥功予其簡稽最汝曰曹汝攝守汝出內臺其往
鎮定未事富吝財貧吝役羣訐于官汪不搖曹遏之君又
遏之而任益專又偕總鎮平公租之直而取其贏以相城
事不四月而功告成士民稱快嗚呼民其可樂成如是哉

見素集卷之三

序

十三

李春

夫一勞而永逸大功不計小費仙八百年分縣而今城焉
豈有待耶抗大義布大惠排異議專責成無不濟者獨一
城然哉竊聞之偏禪効命指縱擅其功羣役受能而繩引
之梓人獨收其巧城之成端有自哉庸舉以序詩者

郡齋別言

蕭山張公時峻守吾郡方七月人方倚賴之公以刑部時
餘累趣解官去予憂病不可出強起候公門公青衣絲屨
笠帽而葦帶迎我于門外言笑讓入若幸脫凡累而然且
曰吾將登鳳山眺鯉湖憇止古囊僧寺以俟公移之至翼
日當賀正公朝服公庭祝

聖壽退而易私服杜門諸

司請賀節以待罪辭免觀其貌察其言而審視其舉措其得喪俱忘忠愛之心其無已矣乎身達者之所視爲累者也有血肉而疣贅生有毛髮而蟣蝨生血肉毛髮爲身累身爲人累者也十尋之木雨露之華腴潤液生且長以盛而繁霜夜零摧頓而約束之歲恒一至焉人而長亨久順有是哉一闔一闔天地所以成化一張一弛聖人所以成政化成而物之材者歸焉政成而人之材者歸焉天地聖人一道也物材而天地之心見人之材而聖人成能之心亦見重耳不十九年於外不能霸子胥不奔不能入郢司馬不居洛則無相業子美不窮退之不潮陽子厚不久於

見素集卷之三

序

三

深用

柳則後世無文章方數三子幽沉困鬱憂讒畏譏之時不有身爲多而疣贅蟣蝨外物者哉然而挫而成抑而愈奮以增益其不能者宜多公有數三子之時不患無數三子之心而詣極養重成遠大之器以自附數三子公不自賀予將爲公賀爲 聖天子王成人物賀公何有不自喜且幸而謬致戚戚然其間而推見至隱又容知非戚戚之尤如呂獻可杜世昌諸公者哉鑑湖之蓴莆未嘗有也爲我語潘南山致數本植之木蘭清處使人知自予者始

見素集卷之三

見素集卷之四

後學黃佐校正

孫男及祖重梓

序

贈徐羅源奏績序

前十年開化徐侯良璧以唐邑學諭來主吾閩文柄公明稱焉其後閱保定郡志知侯有序述之勤閱中丞高公薦章又知侯有禎身律人之奇績侯名應御史選有沮者僅令羅源便其僻且簡也仁施而義以濟治理靜專守以堅定有疑獄必公諸人有時疫責已以求消弭司郡之政有

見素集卷之四

序

乙

林桂

爲民病者必力爭乃已蓋分若君臣恩有父子之道焉文廟祭有器鄉賢祀有田生徒之業有課儒學孔道舊由南徑抵溪旣紆且濘行者言開東西二道便而令者匪才財者縮地之人安土不易遷侯優舉無懟部使者連獎賢勞更之繁晉江事 聞中止隣邑福安民私之欲奪以去羅爭于當道竟以還羅治羅且六年以能名被殊委不得去今年始上初考之績邑師生潘司教廣因周時謙之舊屬予贈言予邑侯周以仁亦交侯兄弟以熟言可信也噫亦異矣古者官以德建授事之大小以才而甄收之權量人物者道固當是也而身所自處亦惟意所適而已侯家

庠之學可甲科剽事之才可御史可劇邑可郡大吏而皆不然者無有數在耶然侯無膠杯覆餗受直怠事之譏在唐時絃誦詩書仕無異乎學在羅時峰巒復疊晴嵐霏翠遶其署更無異乎爲隱志未盡伸竣事之才未盡發而人聞其聲家食其澤同時賢令未能盡儼也侯固將分之甘而亦深乎意之適位浮于侯有深欲而未能于是者多矣古之吏長子孫今率爲三數年遷去然遷未遷非侯意所系也

湖南道學淵源題辭

廬陵陳先生文鳴總學政湖南也崇右正學心律身度而

見素集卷之四

序

二

林桂

課程詞語督詔之又蒐采元公二程考亭胡文定張南軒六先生事行成是錄以標的諸子其立義首元公不曰春陵曰湖南亦猶紀吾夫子孕聖之地舍曲阜而稱東魯遺意慨之後羣聖而生吾夫子實集大成後諸儒而生吾朱子實集大成夫子祖三皇宗五帝父三王故叙皇帝三王道統之傳以及夫子本而盛之也元公子二程孫朱子故敘元公二程道學之傳以及朱子推而盛之也胡張則元公旁派亦猶帝之有稷契王之有伊尹萊朱云爾然則收程朱而遺橫渠收張胡而遺廣平上蔡劬齋九峰可乎哉曰序備之矣生於是學於是遊於是是斯錄矣橫渠關中

人未嘗至湖南游謝黃蔡伊洛考亭之淵源固系之湖南
固未得泛談之也嗚呼夫子而後有孟子濂洛關閩衍迤
繼盛道未嘗絕也元之儒靜修予畏也一二先正時有致
私憾其間者剝久而復宜亦有繼之者繼必自湖南始元
公開道之先是錄又吾道之托之地也考時揆世諸士子
掘起而承之斯總學盛心亦予小子俊願士之意

雪堂敘隱

見素居雪堂聞叩門則汪君孟哲過焉慰問失喜則君以
良灤州牧擢少伯溫陵矣記京師時君侍尊甫都憲公官
邸青裘白馬眉目清整閒適如畫予寒峻君獨繆予通好

見素集卷之四

序

三

楊祥

寒暄數數焉計今別二十有餘年予皤然老翁君亦頭顱
蒼短不能無嬰情邂逅少壯離合之感也坐旣定予入語
治具延君不知君尚記閩語也三豆例設君曰適屬意殊
勤其止是耶相與爲笑後數日君溫陵之聲來方用爲慰
君則歸意滿腹過予言曰吾今而後知被繡之犧牛不如
草間之良便飼籠之鳥不如青林碧落之優游夫以五斗
紅腐置身於畏途深窅之中吾之志其不可以行矣事非
吾事吾其容故吾耶碧山不負吾將謝浮榮返初服擁肩
抱膝盤礴於懸崖倒樹綴丹叢翠之間嘯長風而弄寒月
以紆洩其突兀礫礪不平之氣予念之固亦未謂誠然也

繼辱君書前意復滿紙一日溫陵人言曰汪公去不可留矣老穉攀送聯綴數十里公溫存慰遣無幾微見於顏面無誠丈夫哉日且夕君來別予解衣班坐燭數更曰能忘是別吾懼兄薄吾之淺也其果吾情哉夫漆園棹尾彭澤恥折腰申屠蟠絕迹梁碭自同傭人私慕之亦私論之乃今知其機之圓而識之早商山之歌曰燁燁紫芝可以療飢富貴之畏人不如貧賤之肆志吾不欲愚溪寓懷北山獻笑宰夫斷犀而釋謗詹尹拂龜以決疑不然吾豈安灤州而薄溫陵者哉予曰善哉君之去也夫不易者道也不忍易者心也不得不易者政與化也徐邈一也由前則爲

見素集卷之四

序

四

林桂

通由後則爲介蘊相如大勇小怯其固誠然哉君子不能必道之果行心之果盡况能必政化之果合哉亦自盡而已矣乃歌曰鳥白兮江清水湫湫兮靈寔冥杜蘅兮薜芷桂樹離披兮厓石齒齒酒香兮蠨肥山人去兮歸不歸猿驚兮鶴怨菊將霜兮歲將晏君不來兮何時秋社燕兮春候鴈涉園兮經丘弄雲水兮招巢由下叢薄兮山之幽香風發發汎水瀏瀏細葛兮輕舫村醪兮野笛終吾生兮倘佯與造物兮消息

遜言序

凡學所以明道而仕所以行其學者也窮無所用於今思

欲以信諸來世而托之言至孔孟而書出焉孔孟窮者也
屈原放而離騷作左丘失明而國語著司馬遷之史記揚
子雲之法言錢神定命逐貧之論僧王孫之文要皆發洩
其胸中偃蹇拂鬱不平之氣以寄其弗售之懷書謂無著
乎哉夫貌美者生嫉行高者招毀盜嫂無兄搗婦翁者娶
孤女直不疑償金劉寬歸牛在易之困曰有言不信尚口
乃窮也事固有不待辯不欲辯不易辯者長壽戴公伯綱
高古冲晦立特而行完以慷慨數言事柄臣者中之寤廢
窮悴流寓徐淮間授徒自給後數年始得自歸公爲窮亦
至矣鎖戶無聊稽較舊事而參以新意間復托之楚聲詞
見素集卷之四

序

五

林松

調春容不激不怒而意趣所極私欲古人者爲歸名之曰
邇言嗚呼公之志固大而其所以寓者固小也公固自韜
匿海內士少知者鄉人士亦少知之惟儲柴墟靜夫暨予
惜焉竟亦如之何哉嗚呼元人鉅夫之不遇蓋有之未有
如公者公之窮斯至矣然公雖詘于人而自信于己雖詘
于今而未必不由是書以終信于後也書必窮而後工前
輩論著書俟五六十爲之未晚其時矣夫博如荀專如楊
昌黎子猶病焉書果易著耶立言以明道也道不明言不
純則不足以垂訓而貽點書果易著耶邇言其知免矣

五行具而五性分酸甘辛鹹各一其味而各相入也故皆
易和惟苦獨無和酸甘辛鹹各有好惟苦獨無好翰之萼
亮之薤元脩之菜槎頭之鱖通印之子魚岷山之蘘豈之
薑蜀之椒桂解之鹽調而和之其皆相入也均之爲瓜不
削者必苦均之爲李不摘者必苦均之爲筍獨成竹者亦
必其不甘于味不相爲入者也古之人行之苦有喻矣藥
是也政之苦有喻矣荼是也苦之不可近如此宜其好之
者獨也抑聞之直木先伐井甘者必先竭又患夫生于材
者之爲已累也苦無適用之材而亦善收有自壽之利其
未可少也予弦直石介泥古而病爲通譬之於味所謂苦

見素集卷之四

序

六

薛諒

也落落無合動觸世機好鹹者之所棄酸者所色喜而心
遺者也無適用之材而又不收有自壽之利予之苦尤乎
其不相入也然亦有聞其風而起抗衆詆而不奪者其固
何謂耶予取友於天下與其一鄉有未及一面而自謂知
已有肝肺相示久之而益見其親若松崖君者其是也夫
善化者運獨爲同予僅安于獨者也然私計之苓連梔蘂
味之至苦者也自相爲類而自忘其獨故雖盧扁不廢夫
調益元氣雖不敢與參苓同功然燥極脉脫氣促而神昏
以絕一轉息間熄薪止沸苦亦奏有微功矣夫神完氣足
腠理彌密內體固則外邪不能干置一苦於無用之地醫

之至也松厓其無思置予無用之地者乎松厓有學識操
養以不涉媿阿忤逆璫意退伏林下及是起憲副監軍川
東而復回湖南也予亦欲東者因敘所贈處者如此

續近思錄序

天地之間無適非道有而非無也實而非虛也至常而非
恠至近而非高遠而難行也惟其忽之近易而驚其高且
難故無求之虛求之恠又求之淪于拘溺于蔽流于誕而
亡檢去人倫外事物立愈異而害道愈深非達道矣今夫
天無二日月無二晝夜則無二陰陽又安有所謂二道者
哉道非各立門戶物也塞天地貫古今初不越乎日用事

見素集卷之四

序

七

刘江

物當然之理無竊幻詭奇詭駭聽之事故曰堯舜之道
孝弟亦豈遠乎哉近思者以類而推進道之科級也學而
至於聖賢其端在此此考亭朱夫子近思錄所爲作也錄
止濂溪周子河南二程夫子橫渠張子蓋考亭錄也考亭
集四子而大成之語類尤多要非初學便覽此劉君維深
續近思錄所爲作也立例編類亦卷一十有四考亭謂四
子之書六經階梯近思錄四子階梯考亭階梯其無在于
是耶維深之心固勤其夙尚亦自見矣夫著書多晚年積
久歷深擇精而語以醇故其爲書傳永永無斲韓子謂侯
五六十爲之未晚吾夫子年六十八用著書呂成公史

記詳節成於早年故芟輯闕疎六十二續經尤屬僭妄或疑維深亦太早計者抑不知采摘要語爲治學啓局亦信古傳述遺意故無作也曰續騷如何曰是非晚學容喙然前編猶牽合大事記猶斷例折衷是錄故無作也曰近時潘南山顏子何如曰顏子魯論已傳無作可也西事孔棘寢食忘味草閱是編謬序數言請從仲父東川先生質之

東白集序

宣于心而飾以成章者文也而其隱蓋自見焉夫水之流瀦其源自見木之條枝華實其根自見不待較而知者也王風渾融而雅博霸習激壯以縱橫禹臯之謨不可尚矣

見素集卷之四

序

八

熊

伊周之訓誥王也賈誼司馬遷劉向班固未失爲王者也管韓戰國策霸也相如枚叔張衡未離乎霸者也世風遞降文體漸以澆漓隱而晦之玉璞金渾宣而昭之龍翔虎變其可復禪耶昌黎子歐陽子文起歷代之衰以擅鳴唐宋之盛求其深去秦漢遠矣國朝文運隆復前古當時作者如潛溪宋公義烏王公括蒼劉公竝步二子之蹤至東里楊公又學歐而近嗣是學步徒跼致遠則泥而徐疾周折殊乖故武東白張先生起自洪城軒翔醞藉出語豪宕自童幼時已然旣入翰林讀中秘書文字簡嚴必欲造賈馬劉班之門深其堂與居常經濟氣節自命綱常治道

多論列

英廟實錄成故事當晉秩先生論元臣不當

謬加孔子號以文廢立復起之姦不合徑去家居垂三十年善流委心有忠義恬退學際天人之薦深源蒼生固有餘望焉起修 憲廟實錄受知 孝宗累被殊遇特

設講筵前席治道稱

上意勸講太極圖書

上索

觀慰懌有天生斯人開朕之惑進吏部左侍郎兼翰林院

學士食從二品俸極意大用不幸

宮車晏駕先生爲

實錄副總裁感泣竒注電勉素業以摹寫

聖神日月

之光而事猝齟齬連疏乞休

上溫旨懇留先生意不

自釋竟疾弗起嗚呼是無入宮見妬嶢嶢然易缺者耶何

見素集卷之四

序

九

林松

其收之家而損之於朝也先生仕籍四十有七年在朝不滿九年儼之持祿無過耶先生其無猶人者乎容容厚饗終其身未嘗一日去其官者何限何詳此而略彼也無害爲同又何害先生爲獨耶嗚呼古之道其信乎不可行於今矣先生詩文不自收拾其徒賴生不索存稿與遺落人間者得若干卷徒步之莆謁我雲庄謂予故人宜序嗚呼先生之隱集可具見矣癸亥太常之起予方視江右僭及行止爲先生謀先生曰學有體用某將行所學以自副避言避色其容竟一日留耶嗚呼斯先生志也序以付丕以屬其甥衛侯徐琪鉞梓以傳嗚呼後將有論世先生者矣

正德壬申夏六月上翰莆田見素林俊書於木蘭烟水

贈羅福之序

壬申 上在位之八年也故事誕節有賀臬貳羅君福

之以次當行長僚與鄉之士夫賦詩爲贈屬序于予按華封人祝聖人壽自堯時有也江漢天子萬年未共置酒羣臣皆稱萬歲周及漢又有也唐明皇以降始用誕日爲例所謂天長天申瑞慶者是禮也夫臣子愛君亦何所不至哉壽一人所以壽天下也人君爲天下民物之主其心地之心其氣天地之氣休咎之徵自我發之民物所寄命在此也易曰首出庶物萬國咸寧書曰一人有慶兆民賴見素集卷之四

序

十一

黃李

之君宅中以基其命者也課樹藝節土木則無飢死勞死毓淳風布文揆則無刑死兵死崇樸政察神姦調燮氛祲至候則無窘死天死橫死至乃致極中和寅亮天地則乾清坤夷坎止艮靜飛走潛泳庶植之各遂其性所謂夏先

絜懋德罔天災山川鬼神以寧鳥獸魚鼈咸若者也夫以

天下民物之壽繫之一人其爲繫亦重矣而人壽所至率

百歲爲期黃帝堯舜過之黃帝百一十歲舜亦百一十歲

堯百一十八歲帝嚳禹湯皆及百歲故壽百歲者稱上壽

祝以上壽亦至矣而又千又萬以至萬萬宜壽所必無而祝欲其必有斯無已之心也幸一人所以幸天下也吾人

者其孰無斯世民物之心壽之祝而豈徒哉壽非可以倖致也祝百千萬年之壽必將符之以百千萬年之德而舉斯世民物囿之於百千萬年仁壽之中以偕之於無窮其不然上傾下蕩崩騰搖扞膏血塗草野生齒化而泥沙飛走潛泳庶植之不得其所勝道哉君臣情義綱常之不容已者也獨怪夫執玉而朝萬國捧觴嵩祝無越頌禱之彌文惟張曲江金鑑之錄謂之得體君采風爲職者也瞻拜闕庭前席有問凡治屬所臨道路所經見民隱吏深與繁落之風景其有可言者乎前十年予在南臺君來爲御史老成慎重出輩流刑名之試介庵張公以鄉嫌自沮見素集卷之四

序

十一

戴峯

予特拔宣第一嗣是果副所知方士夫駢首罹禍君獨以冲晦竟免巧宦多速化君獨以貞靜竟淹夫時詘而詘亦時信而信出處之道不當如是耶然閩欲借君君亦幸無暫鄙予閩當道者固亦有以處君矣

筍峰紀年綱目序

元氣以毋萬物草木其充定者也方陽復而泰勾出萌達怒長於巽柔液潤之間無以甚異也殆繁霜夜零旦日視之如戰敗之卒卷旗棄甲褫瘡而疾馳面無人色惟松栢挺然凡植之中藏其貞以材其用所謂疾風勁草臨利害而守可見也膚使筍峰劉公第顯科躋臚仕荐歷亨嘉無

松栢之混衆植者乎而一折權璫一抗強藩肉視悍虎氷
顧鼎鑊以陰益其有日進其所未能無松栢之歷繁霜以
材其用者乎嗚呼藥之毒期於傷人而顧資以去病中公
者容知所以王成公哉勢之所在其亦可畏矣蕭望之帝
者之傳建白涉恭顯竟死于獄晁錯以御史大夫請削吳
朝衣棄市况踈遠臣耶公所指斥殆望之而過所裁抑在
敵已有所弗堪使主者一搖禍奇不可測我 孝宗天
縱神聖燭至隱布至公謫薄尋起右忠鯁以作敢言任事
之氣當時朝著言之我 孝宗受之都俞吁咈再見焉

公賢子貢士教紀公事行名曰紀年綱目夫編年古史也

見素集卷之四

序

十三

沈

司馬遷始爲記傳溫國公又爲通鑑子朱子綱目因焉教
本編年綱目之例爲一家一人之史以傳公爲信也紀止
丁巳教不年而筆絕也泉山大老序其事予備觀焉噫子
道也臣道也又君道也大中間孫樵得遺報恨不生太平
時及覩開元中事是編也將無得覩爲快者耶

贈黃君參政廣東序

夫友聲應氣求以道相師下者也予取友於天下凡十數
人未交一臂而自謂知己三數人焉張君東所其一者也
於一鄉亦十數人一見相忘而自謂知己三數人焉黃君
易庵又其一者也夫靜觀其養動觀其識隱觀其誠而變

觀其定質木觀其近古旣已得其大端矣而慎重不渝相
觀而善惴惴然惟恐貽知者之愧數公者吾何疑焉易廢
有叅知大政之拜陳君如賓屬予贈言先數年君守肇慶
勞績孚于上下及是守武昌裁數月廉問騰播予由蜀而
聞所見僅一慰心而君遽允拔以起君不自負當道者亦
曷足言哉藩若郡大若小不相侔要之在守土均耳宣
上恩而布民急藩政亦郡政也肇廣一隸郡列郡民俗大
槩然也君固不待問而知不待試而効先聲所及民固不
待施而感不待怒而後威者抑俗革本諸政治道去泰去
甚自賊闖擅柄掎剋襲以成風民顛敝不可支率轉徙而
見素集卷之四
序
十三
林松

爲盜今日征西川明日征河南又明日征東征北橫屍蔽
草野民叛變而盜籍是豈民之自爲哉吏駢之化而盜耳
民化而盜又豈不欲化而民哉夫改邑不改井故是民也
泉浚則列而濁化爲清井爲甘井今墨吏腐垢也鼂與鼂
食于官之胥史卒徒也腐垢去則鼂無所宿是爲寒泉
食可用汲王明竝受其福民駢之而盜亦不爲矣夫以民
視民奚啻秦越之不相繫以身視民其疾痛豈容一日留
于身而不謀亟去之乎抑親賢遜志君子所以遠其到以
有成也古者鄉先生考德問政送入仕曰在講學東所廣
人也君無憚求之亦必無憚告之行於君亦行於東所也

予亦與有幸焉

見素集卷之四

見素集卷之四

序

十四



見素集卷之五

後學黃佐校正
孫男及祖重梓

序

彭惠安公文集序

語人以其盛其所能蓋自見矣魯公之忠節溫國之行烈
書法史材未之有掩也矧文章特儒者事吾郡從吾彭惠
安公殆其然者公自刑部屬以氣節行烈自効及外而藩
臬內而中丞少宰以至司寇際我 英宗 憲宗大
際我 孝宗知遇之盛方是時世道允升士氣丕振公

見素集卷之五

序

乙

戴奎

得以翱翔展布其間伸其志達其道以大行其所學晚而
與王端毅何文肅張莊簡數君子同心輔政天下稱大老
公葆養性靈探索道奧繙閱經史百子每作述評校物品
衡量治勢命詞運意根理道而繫績綱常如著蔡前知嘉
穀輕縑之濟實用夫文實之隱寓焉休文文治靈運文傲
鮑昭文怨庾信文誕識者有以知其人若公者其無謂君
子歟嘗記公記鐵漢樓張東海稱一代作家托之草書流
布海內私欲與元城與公竝稱三絕予未敢僭論然莆前
輩心學有林艾軒公無愧焉氣節有方寶謨行業有陳正
獻公欲私與匹休若劉後村之詩陳衆仲之文公則未嘗

多讓川岳靈秀爲天下生公也僅一莆而已哉予少公二十有二年非分晚流累借薦剡酸冽之味將不謂無同也甚恨者仕同時十七年宦迹出入僅一再會弗獲幸卒教于公而公遽病以歸歸以弗起矣山頽之嘆致吾私爲士夫爲天下慟也嗚呼公其不可以起矣平生所著滯稿爲卷凡若干侍御陳君時周輯其要得若干卷吾閩提學憲副姚公英之録梓以傳序公之文予來進責也嘅惟老成風逝聲望所及長養成就功爲多所謂典刑者爲信公功在天地名在華夷太史氏書之矣得是集備考之深自見矣

見素集卷之五

序

壽戴孺人七十序

二

戴孝

族子士實求予文爲母戴孺人壽且曰冬十一月某日母壽之辰徵文姻族之意母旣不得謝謹命云然前三十年族父德華處士與予居連壁處士質木無華治家勤儉身不識紈綺非賓祭不一御魚肉無奴僕以供炊爨春浣箕帚樵牧之用每旦起與族母蓬首垢面短衣敝裳偕造化宛然村落翁媪而布盈于筥粟米陳紅于倉庾畜牧蕃息宗黨無及焉人曰其無已固乎曰然吾莆風且異吾知其必去而爲後之奢也夫俗侈則力不繼力不繼則貧者先竭富者日以削賢者恐不賢者縱而從之亂階其可已乎

吾示吾子孫守吾業也處士既化去蒲風果異既又大異其子時敬兄獨守訓無違時敬兄不祿孺人又守訓無違絕薰澤勤糾組矢志婦節以葆育幼孤時祖居洳濕不爲居人利徙而新之餘故物悉完生有養死有葬祠墓有祭公征慶吊有給材丈夫無及也今已男室女家內外孫林立孺子亦踰有七十之壽矣夫以七十之年中間聽于父母舅姑夫子之所裁三十年耳四十年獨制家政目中所見起者落落者以盡甲族化而清門指不盡數林獨居然以完處士前者之固容知其爲後者之通耶杜不可久之漸以爲必可久之貽其家法固在孺人不移所天守而不

見素集卷之五

序

三

薛京

變其不爲烈與夫立之難守之又難寡婦人尤難也孺人之壽以上承舅姑中承夫子下衍子姓爲林氏壽也自古有國家者未嘗不以勤儉興逸欲奢靡而失周人葛覃之詩見其貴能勤富能儉成內治之化以開隆長之基婦人者國家之所由興替者也昔莫侯陳氏有采蘋之德以相我睦州實開九牧孺人儷德莫侯而其境尤有異者食報之厚固將濟邵州之美以大吾林如桓少君之鮑辛憲英之羊其獨壽而已耶書以待且以訓林之爲婦爲母爲子孫者

方忠惠公文集序

宋自晦翁朱夫子起建安以上集四儒之成四方學士師宗之聞爲盛莆又宗之方爲盛履齋若水伯謨尤著者也迨尚書忠惠公祖尚真源沾漑醇馥于西山鶴山二大老而追慕元城公爲烈鐵庵之號見志也公弱冠擢南宮詞賦第三人不析速化沉鬱下僚餘三十年亦遺材矣端平初鄭性之當國搜進名士拔致諫垣危言正論選親賢遠聲色杜佞幸以襄之失蜀之敗爲耻荆淮之擾爲懼及繳駁數事尤忠戇所難言公無諱焉申大義以雪濟邸之冤追罪奸相之彌遠屢言之臨安火又言之爲其黨蔣峴所中予祠鴻禧噫是無遺直者歟公終寶章學士廣東安撫

見素集卷之五

序

四

楊

使爲治尚風化崇正學表先賢薄宮征卹民隱參行晦翁家禮社會諸法利關人國爲之力無阻以故生有祠歿致薦享舉扶插竹以奠請贈謚而梓行其遺文皆廣人德公之報也噫是無遺愛者與公歿淳祐丁未至是二百六十年有七年公族孫良節嗣響家學大叅廣藩因舊本輯之爲若干卷復梓以傳盛舉也公後村同時人平生著述甚謹尺楮片翰刊落陳言辦博雖間未及後村而粹縝過之命詞運意以心術爲根柢氣節爲枝幹義理爲華實名賢爲標格澄潤豐潔如寒江素月碧落之峙青峰雖無幻恠獻醜豐應接之勞而丰神自適爭先觀之爲快亦名作矣大常

謚議謂公源流晦翁徐驗之晦翁及公仕籍俱餘四十年
晦翁在朝不滿四十日公亦僅一年幾半其出處槩自相
類莆先正自端明蔡公謚忠惠繼之亦僅公一人而已端
明慶曆四諫溫陵海橋之聲蹟天壤俱敞可也而胤嗣京
落遺文晦蝕逮之今無幾公舊本無恙茲復煥然以新梓
行又適在廣是固德門子姓錫類之賢文獻足賴抑公之
精神在廣與故民相糾結不渙散以默運之今耶不能不
爲名德幸也俊鄉閭晚出前哲景行序文大參之請抑亦
俊之責也公諱大琮字德潤累贈銀青光祿大夫

二忠錄序

見素集卷之五

序

五

宋本

士君子在治在亂曰鳳夫逢時遇主翊贊鴻猷不幸而亂
則抗節以死若龍逢比于者至于今猶烈也宋廉耻養士
三百年希文求叔子方數君子載倡忠義士夫氣節相高
靖康之難勤王死事相屬馬寶慶德祐之際元兵日南帝
顯全太后北狩益王稱制于福州尋入廣于時陳公文龍
以叅知政事歸于家特起而當國難開閩興化軍撫叛命
平亂兵斬諭降以激忠義然江之南北已混一于元全閩
又爲元有獨興化在耳林華陳淵曹澄孫開門賣降公與
母夫人被執臨難慷慨指腹自示曰此節義文章也可相
迫耶械至臨安哭武穆廟不食以死母亦不食死福州景

炎丙子十二月也公從父瓚起布衣爲國發憤括家財航海助張世傑兵于邵武迨元兵登城興化不守猶巷戰終日被執大罵至車裂以徇明年丁丑九月也事聞文龍謚忠肅廟號昭忠瓚贈兵部侍郎謚忠武二公死則閩盡廣亦去而宋亡矣噫痛矣迨今弘治乙丑二百三十年鄉人徐評事元稔始疏于 朝詔有司立廟春秋具物以祭公族孫貢士河彙爲錄示予竊惟綱常之在士夫猶命脉然不可一時息也故治則良臣大勳建馬亂則忠臣大節以立焉慨自宋足一南亡已先兆李綱之策首沮於汪黃岳飛之功再墮於秦檜侂冑彌遠似道繼續任政而汝愚德

秀了翁迹如棄梗不待三閩四廣事可知矣會元滅金規轍挑釁海宇化而腥羶甘心臣虜則楊大淵降呂文煥師夔等又降菟義不屈則曹友聞死趙卯發李芾等又死忠肅故相也忠武又故相之子孫且民也若可自道而感激赴義視死如歸誠以天著祚宋主翁之一脉猶存天祥世傑秀夫諸賢之恢復可冀也孤城獨守猶足做平原牽拽之幾大之成一旅中興之業次之亦不失鼎足偏安之勢二者不一遂則城亡與亡答世恩而殿名教與臬日爭光秋霜爭烈與近而故相江萬里故民熊飛爭頡頑遠而龍逢比干遊於地下使臣虜者生無立地後世懷二心者視

有餘愧焉二忠可謂得其死求仁得仁者也敬序之以發吾黨之氣

竹江劉氏族譜序

氣爲萬物之祖與形相附麗者也其始也化諸氣氣類爲形同之人皆族也其漸也化諸形形原諸氣同之氣則族也氣之初也其又盛則同生而別之姓如黃帝二十五子爲十二姓又一初也初生繼繼生析析生疏末異而本則同王公貴人馬走牛醫之賤其無能易也巡撫湖南兼督軍務右副都御史安成劉公文煥其齋竹江之系出沛公沛公出御龍氏累累出陶唐因窠爲氏沛公傳漢景景封

見素集卷之五

序

七

林柱

其子發爲定王國之長沙安成故其封內以侯禮也比失侯猶爲庶故地故邑多劉殆不相系屬其出長沙不出長沙未可知也竹江之劉出長沙不出長沙未可知也然上世遺集動曰沛郡沛郡其出沛無疑竹江其齋始遷之祖五宣教紹賢竹溪公也再世則十九宣議節四世仲英仲英生謀章又生謀卿懷古謀章派也南窗西窗謀卿派也懷古與學卓識戢采宋李爲湏溪文字之友四傳爲英入國朝用季子實恩贈順天治中實謂敬齋也舉進士選翰林庶吉士官終南雄知府生數謂學古也與伯子壬皆舉鄉貢士公積翰林孔目再封爲監察御史壬爲某縣知縣

叔子即其齋亦舉進士選庶吉士累今官物望屬焉竹溪
迨今亦十七世二謀衍派蟄蟄千餘指生娶卒葬足徵也
古者姓有苑官有譜氏族有志以酌流品商姻婭以致嚴
也若歐蘇譜則繁杜陶之法爲一家之譜以系尊降聯疎
戚以致睦也故士夫宗之今劉之譜歐法也不附長沙猶
蘇法不附味道同義其系遠故畧也抑大夫不敢祖諸侯
禮以防其僭也錄所受 誥勅以及表志諸文與仕隱
之行業動跡致重也亦致勸也譜成其齋走介之莆請序
噫遠矣道同也亦致專也夫一氣之運萬殊分焉其散也
不能不異其合也未嘗不同貴者賤者才者能者愚不肖

見素集卷之五

序

八

林桂

者猶老木然必有悴枝謂氣之不齊則可謂岐而二可乎
哉劉於陶本也沛翰也長沙安成竹江皆枝也竹江一枝
其碩蔚以蕃敬齋名在國史在名臣錄爲世廉吏學古官
久猶貧某齋又久且要也又貧清固有本矣龔禪特介不
涉爲時趨三世無墜翰苑之業無本然乎哉擬諸劉敬齋
其平視榮祖學古其流亞靜修安世風烈某齋將并峙焉
後視之今猶今之視之昔也樹木者順其天以致其性爾
矣故碩以易蕃劉自樹如樹木樹族人亦如樹木竹江之
枝將愈見其碩蔚以蕃其未已也斯作譜之意亦似續之

責

入賀詩序

群臣置酒上壽古者頌禱之儀有為得鼎壽者為宮成壽者為荒夷朝黃鵠下武功成郅支誅壽者聖節上壽自唐玄宗垂拱始以誕帝之晨上萬歲壽者甲令為常嗣是曰天成地平節者肅宗九月三日也曰天興節者代宗十月十三日也慶陽節者武宗六月十一日也壽昌節者宣宗六月二十二日也延慶節者懿宗十一月十四日也又有應天嘉會天壽天清乾明承天乾元壽聖諸節月日歷歷可攷我朝例以萬壽聖節為文祥光照室之旦四方萬國皆奉表為壽我太祖九月二十一日也我

見系集卷之五

序

九

戴谷

宗四月十七日也我

憲宗十一月二十一日我

孝宗七月三日

皇上流虹毓聖則九月二十四日也

是歲癸酉吾閩少方伯鄭君立之當奉表入賀故事贈有

詩詩有序以屬之予夫君猶天也事君猶事天也陰陽天

之吏不失其職則化功成而天安于位臣工君之吏也臣

工不失其職則治功亦成而君得安享於無為然元氣不

運天不能為天於陰陽何有哉悠久而不息者常也於穆

不已天之常天之壽也陰陽之所欲也然則君之壽容非

臣工之所欲哉夫皇皇憂墜孰若快覩穆穆以常臨故百

祝千祝而萬祝之欲如天之不已焉爾是無他受恩者至

惠也宜力者淺勞也寸償而尺負一羽而較千金其不侔亦至矣懷慚思惕區區報謝之私無過壽祝之微勤故詩曰虎拜稽首天子萬年祝君猶祝天也然豈徒祝而已哉曰明明天子令聞不已曰矢其文德洽此四國欲君進令聞而不極意於武功祝以規忠愛之至意也召穆公承王命平淮夷方寄武功之任而寵異告成壽祝報謝所以勸其君者如此今君亦承旬宣之任殪武平之寇報成錫寵將與召穆圭田命服之賜無異而入賀闕庭萬年之祝又將無異於召穆公勸修文德而不極意於武功其又將無同乎嘗疑周宣志存撥亂而側身修行固其所自圖抑召穆公有以啓之今羣盜悉平聖天子專志文德之脩周宣無足言者然召穆公祝規之詞抑君所未宜少也是詩將無江漢竝傳者乎

送周虛谷尹慈利序

夫今者其視古爲的也的而弗中其去的弗遠矣安定之教師儒之的也潁川太丘之政理又民師帥者之的也國朝內而六館外而四庠專用儒儒而効郡貳邑長升馬叅互布列究體用之全以收復醇古之盛爲儒道世道計至矣天台周君時謙以凝重之資脩整之行精敏之問學博士吾莆庠也方不忤物和不尚同交擇而不泛不爲勢

怵不爲利餌教規學則雖未盡安定要之亦今時表表者
吏部薦爲慈利邑令甫博士未代而遷僅典也君屢以賢
能獲褒旌例得爲御史人論猶若未平夫物欲其大先小
之進之將以漸也歷而熟之也令寄百里之命其不謂小
矣有父母之道焉民所好惡而好惡之望衣望食望療治
積弗平以望直于我副之後期處之失其當將畜怨于生
育我者之身况分之似而非誠然者耶撫則親虐之則疾
視如讎心誹背詆而幸其亟去悅其心宜有道矣夫施不
能盡施也惟利而無取則廉廉所以爲惠也愛而不能盡
愛也惟刑而無頗則公公所以爲仁也不能無法令之彌

縫租庸之徵調惟靜而無擾均而省以無偏則安而無怨
責已者厚人者輕已者嚴人者恕則上可事也下可使也
近可悅而遠可來也已瘠而人肥已勞而人用逸君之治
將不于是求之躡黃陳之蹤以立今人牧之右者哉臨澧
囊山帶江與永順容美桑植相襟帶捍以永定九谿大庸
安福數鎮之兵虎旅難調烏言夷面獸心之苗夷尤不可
以人理導說甘辛和劑若是其難也君盤錯以自見與策
慈利之勲以大收師儒之効將自君始矣夫君子患舉職
之難泡滅而漸盡者可耻也太丘之名自足長世位極之
穎川顧以致捐力可有餘而事任不可以過重絕脈覆餗

有明戒焉謙之九三曰勞謙君子萬民服也升之六五曰
貞吉升階大得志也夫勞而能謙正固而自守人之所與
天之所昇也其升固易易者君曰謹如教庸書以復二庠
之請

白齋詩集序

夫詩存諸心者也感諸物而聲發焉包舉八紘牖納萬彙
通幽微之故而執造化屈伸之幾其妙用也動天地而感
鬼神著其教者如此然而成名立方亦若是其未易也夫
意深者詞躡局下者詞拘輕淺者詞浮曠達者詞放蕩者
詞淫苦者詞滯恆以怯者詞卑弱若乃觸而形會而遂通

見素集卷之五

序

十一

刘志

天趣悠洋克乎其自得吾得吾白齋張先生焉澄澹簡遠
情慮俱忘羣睥競驚於先生奚有哉獨於詩若飲食然無
少壯與老而異夫好則樂樂則專含吐性靈紆寫物故博
以收約而廣以辯方利精竭神窺高而獵要於是乎其不
遺餘力矣先生古詩祖漢晉律詩祖盛唐而參以趙宋諸
家之體氣格疎爽詞采精麗音調孤絕聽之灑然咀嚼之
雋永而有餘味莊而整如營巡大將靜而寂如龕樓老禪
如詞臣鵠立雍容閒肅可詭仙子踏氣馭雲飄翻而風舉
熙后山之武以駸駸上接少陵之席與陶謝潘左參輩行
使人拈弄篇章拾殘楮斷墨以自快近時中傑作也古稱

詩窮人先生用是亦孤蚤遇世無盡知者知不知要之非先生病也許者謂陸機體裁出陳思王仲宣寔出李陵先生雖雜備衆體而收功實由山谷寧川一派今流明州矣予雲庄縱浪海內士不相接者餘二十年先生來視吾郡始拜篇章之辱歛衽終讀作而嘆曰世自有士奚意之今見郤鼎敦彝老耳而聽采齊肆夏之音也夫詩可以觀志以得其為人推是詩也脫凡近而絕之俗垂之百千載可具見矣先生文字開闔正變老氣光炯動人更不在是集也請論詩與知者評焉

庭荆意晚序

序

三

藏本

見素集卷之五

予既蜀歸也待育南雄歸待受壽州歸昔韓獻肅歸許二弟尋請謝予焉取妄附要有同者及是又六年予壽六十有六待育壽六十四待學壽五十九待弼壽五十六待受亦五十而壽此令有裕獨不見二親登堂上壽時也噫其已矣矣記傳衣侍食昨日事予皤然諸弟頭顱蒼短斯時斯境殆亦人世難得其不可常也於荆竊有感焉脆而叢誰形之韡而華誰色之歸根復命又誰而割制之殆有數存焉樹植溉潤完其天母伐其性於是乎有贊化之功而粉榆之景撫護尤難吾五人者不于荆私幸哉晦翁之詩曰臨深履薄諒無幾且將餘日了殘編固晚暮結束時也

自強不息其惡有已哉世兄弟吾五人而過五人壽
其亦豈少其重其否其未可知也吾五人乘時應會
皇極敷錫受之君積善流慶受之先而忠實樸謹局諸
拙以然豈有它自異者哉待育杜門謝客其寂若處女非
謁祠無見者待學簾衣敝屣曹郡丞戲曰都憲弟不作是
庄家傳以爲笑待粥酒數盂飯一甌蔬畦捧腹公府無其
面予嘗目爲散仙待受末疾專課諸子吾家襲韋布爲常
嗚呼固若是基也有基無壞必常有是意則間有凡日凡
身皆寄也而同歸於無又安得強所無而有之盈虛消息
天不人私也亦非巧者能移噫畏哉

見素集卷之五

序

十四

劉志

見素集卷之五

